



張亨甫全集卷十五

壬辰

建寧張際亮亨甫著

孔慶衢寄吾校刊

書錄

元日口號

閭闔初傳萬戶鐘，冤旒靜肅九天風。
東西侯伯陳周玉，左右賢王拜漢宮。
雪霽甘泉將射雁，春回渭水欲飛熊。
小臣敢奏相如賦。

聖主方繩下武功

西山御宿列崢嶸，翠簇芙蓉接禁城。
夜火魚龍雙苑月，春風鷹犬八旗營。
地盤燕趙多邊氣，水咽金元尙戰聲。

縹緲

張亨甫集

翠華何處望

六飛從此在昆明

入春

上居圓明園至冬始歸大內圓明園有昆明湖

卽事

去鳥忽已遠，行人在夕陽。
沈沈寒氣白，漠漠映天長。
旅思先花發，詩心入石忘。
蕭寥崖谷裏，因見古時狂。

游石經山詩

初四日立春偶行山下得蹇驢遂至此山日夕而歸慨然有述

太行天下脊，萬馬奔幽州。
茲山若怒驥，渴飲渾河流。
日照層冰，河上風颼颼。
駱駝千百匹，晝踏河冰游。
飄風更四起，大地塵沙浮。
蒼然宮闕壯，積氣不可收。
雲端北海暮，鳥外中原秋。
誰知俯仰閒，四序忽已周。
旦晚視一

世人生復何求。

羣峯立積雪。皓倚天崢嶸。西蟠太白氣。迸奪陰山精。東
迴遼海上。散爲風沙聲。榆塞何峨峨。一險分幽營。落日
照居庸。倒影開神京。古來射虎將。多在右北平。人代飛
鳥疾。客子騎驢行。寒飲牛酥酒。飢餐羊酪羹。茫茫四海
春。無地容躬耕。感此形勝佳。浩然羈旅情。

昨夜東風來。蕭蕭沙雁發。登高眺四遠。川原互出沒。埃
塵暗齊魯。瘴海斷甌越。豈無異鄉花。何似舊林樾。去日
亦已逝。來日未可忽。夕光映東南。天青但如髮。

野鶻摩浮圖。忽落茲山巔。山洞七十二。構架自何年。秦

張亨甫全集

卷十五

二

昌天啟日。斷碑餘鏤鐫。石靈亡國氣。地坼陰燐煙。萬姓
竭脂膏。流爲澗底泉。泉荒飲我騎。日夕風蕭然。人間廢
興迹。何必觀桑田。但撫縣崖松。歲序亦屢遷。山絕頂有
松甚古

冬雲昨已消。春晴今欲始。去歲泊吳城。清晨望積水。嗟
峨匡廬雪。影落明湖裏。天迴九江白。日照五峯紫。高歌
倚長劍。極目見千里。思逐鯢鵬游。浩挾魚龍起。安知策
蹇驢。同日復在此。出門沙撲面。下山風貫耳。水堅塞道
路。冉冉牛羊尾。此時城中人。安車騎從美。或施錦步幃。
歌舞少年子。生命那得齊。丈夫困有以。蹉跎山水閒。未
是平生恥。

初九日早起卽興有述

積陰沍厚地。氣散升春陽。浩如江海曠。四遠空茫茫。東
郵暗曉路。叱犢聲何長。時至萬物知。野有耕農忙。依依
門前樹。忽忽眾鳥翔。厓谷近蔽翳。一轉餘清揚。慨想洗
耳土。豈曰輕陶唐。俯仰宇宙閒。貧賤意亦忘。行觀旦暮
理。坐覺飛潛良。掩關讀我書。非舍復奚藏。

古意

君在常山南。我在常山北。蘿月照松門。似君昔顏色。別
來今六載。斷溝不到海。濁泥望清塵。路旁肯相待。婀娜
楊柳枝。三月作絮飛。朝飛逐落花。夕飛入羅帷。好語致

張亨甫集

卷十五

三

風伯莫便曉夜吹。兩劍匣中語。一桐爨下泣。但見蒼天
高。那知青春急。剖心作明鏡。照我不照君。千尺紫絲帶。
無力繫浮雲。袖裏雙素書。欲寄問空虛。夜夢在燈前。愁
病宛有餘。喔喔聞晨雞。君東我復西。君如啟明小。我似
長庚低。腸斷莫復道。相思以終老。

是夜卽興復述

獨坐聞天風。開門見山月。松明雲嶺空。下照石壁雪。峽
口霧蒼茫。東飛一鳥沒。飄葉如行人。蕭蕭中夜發。

翠微山望圓明園作

北京啟長安。西山峙終南。昔聞翠微寺。唐南山有此寺今瞻雲

臥庵寶珠洞有 御榻左帶來青軒在香山 下周玉泉潭流波昆池匯倒影方壺涵瑤窗明鏡開金梁彩虹銜靈禽集仙樹夕月餘朝嵐

皇情

旣已暢庶類居然咸優游侍從筆奔走元老驂氣色方春滿膏澤長秋覃遐思狗監薦獨使馬卿慙

十五夜口號

依依朝來雪宛宛夜來月月照游子衣雪深何處歸前年螺女水去歲皖公山看徧天涯月千山萬水閒

十七夜偶憶去年今日抵桐城慨然口號

信矣東西南北人舊游處處迹空陳猶思絕塞生馳馬

張亨直集

卷十五

四

不道長江涸困鱗臥病薜蘿仍見月經年楊柳欲愁春博陵亦是登臨地自古飄零乞食頻已丑此日在博野縣署

去歲落解後禮門明府遣僕迎余謝不往歲暮復

得其手書因前詩博陵句悵觸不已述懷卻寄

四海猶餘長者知古聞國士感微時卽看天地風雲滿

正恐關河歲月馳

聖祖躬耕遺畝在博野邑小賦重連去年征稅老農宜歲征輸不足明府

幾被吏議昨書來言去年大熟春來可是桃花徧能惠

通賦皆報解歷任所未有也閭閻卽我私

二十四日對雪漫作

朔雲千里暮寒浮。誰侈銷金帳下游。明月不來歌舞夜。
空山如見古今秋。去年早潦茲宜麥。昨夢交親此繫舟。
遙祝北堂春更健。心歸東越我何求。

雪霽

簷際瀟瀟雨。開門日在天。白餘孤鳥外。青出亂山前。多
病閒過化。新晴暖引眠。極知南土樂。春水正開田。

斜日

斜日高峯後。餘光曠野前。風林縈紫邏。雪壁落烏犍。霽
欲生新水。寒猶似舊年。數家茅屋在。黯絕不成煙。

贈樹齋太史

君二月八日四十五生。朝余在山中。未置杯酒。期勉之誠。寄以韻語。時初四。

張亨甫全集

卷十五

五

聖代御宇宙。於茲二百年。媿非龍虎士。不附風雲先。公
卿亦袞袞。人百罕一傳。國史綴姓名。有若案牘填。常觀
三代後。智者能因天。韓馬固磊落。豈必稷契肩。管葛自
有時。賈生誰哀憐。憶昔望隆中。慷慨居田園。太息天下
事。其言若湧泉。長老喜且嘆。謂楫利濟川。滔滔海水流。
自溺終茫然。功名旣不就。獨使歲月遷。旁皇念述作。疾
苦紛相纏。徒懷萬古心。何補十載愆。相逢年少子。顧盼
恒輕翩。心欲勸彼學。自反涕泗漣。才人如春花。顏色豈
得專。風雨不自庇。墮落隨朝煙。妙舞雜粉黛。豔歌陳箏

絃。賓客競酒食。眺覽勞車船。是皆才之賊。旦夕爭因緣。
壯盛足意氣。衰病悔已遄。去日不可追。來日蹶且顛。侵
尋白日速。坐視歸虞淵。古來遭逢盛。猶恐勢不延。所以
惜寸陰。家室屏流連。吾儕竟何如。俯仰慙安便。白髮未
肯貸。老至身無權。後日誰能恃。畧可觀其前。記我始交
君。年如月下絃。三十忽已過。困苦嗟屯遄。君雖處豐亨。
四十弧重懸。生平懷抱志。寂寞對簡編。文豹必隱霧。神
魚必畏筌。賢者處必靜。爲學必惕乾。進可活九州。退匪
陋一廛。勳業與文章。自古孰兩全。得失本運會。蹉跎乃
棄捐。尋常擁節鉞。似執晏子鞭。襪線復斗筭。補苴於堯
張亨甫全集 卷十五

六

衰。非君夙所慕。非我意所賢。況君久有孫。有父髮猶元。
有婦亦如賓。昔聞迴文篇。門生見五世。拜謁勤周旋。念
此亦足快。可以酬於筵。醉吟城南句。勗汝符郎虔。吾方
類孟郊。未欲寒蟲蜃。周南滯太史。每感述窮蟬。長嘯草
莽間。高艾蔽蘭荃。霄漢露霜高。歲晚識節堅。

僧

僧從天台來。言訪五臺山。問余香界寺。爲指孤雲間。行
隨夕鳥遠。夜聞經聲閒。未知華頂月。獨宿誰掩關。南北
豈不勞。宗勣遜莫攀。風痺明滅燭。向曉應思還。

偶至長安寺游憩夕歸有述

吾廬藏輿阻。朝夕見城中。下嶺越荒礪。憑郊觀遠空。草
低鷹隼地。塵起駱駝風。不盡蒼茫外。浮圖影數重。

孟冬爲別處。再至已中春。一里徑非遠。諸峯晴更新。夕
陽高下寺。飛鳥過來人。坐嘯當前嶺。松風答響頻。

山半牛羊下。村童谷口回。不知樵牧樂。日暮卽歸來。偶
語石留坐。呼家門對開。此時亭上望。客倦意悠悠。

春至因多態。心閒轉覺孤。巖崖皆巉峭。田野面蕭疏。天
白人煙末。苔青僧骨餘。可憐苦樹子。歲歲熟何如。

前朝宦寺墓。結構半茲山。珠玉泉中怨。煙霞死後閒。何
須話興廢。但覺盡凋殘。王府邨邨是。頽垣落日看。寺外邨有

張亨甫全集

卷十五

七

金王府許王府諸名
皆前朝豪貴墓園也

啜茗一蕭散。浮雲多古今。興闌卽歸路。氣爽俯高林。月
出經聲靜。山迴夜色深。下方渺已遠。獨眺儻相尋。

月夜覽近人詩文慨然有作

今朝風雪滿。山中人迹絕。獨坐遂已夕。月照竹上雪。引
眺對遠空。羣秀可攬結。春寒氣欲清。夜靜理斯悅。賢聖
邈然遠。昧濁安取潔。余豈不好名。良恐遂蕩決。多難負
夙心。幽芳凜涼節。雖慙植世志。庶勉汲古列。百年一旦
暮。孤軌誰同轍。石林映燈火。卽目有深閱。

天涯獨客久不歸。晝思夜夢如無依。豈知磧雁有常候。
秋南春北來去飛。一行乍見落日遠。數聲或度重雲遲。
去年江淮水淹溢。十室九戶民苦飢。心知稻粱謀不易。
嗟爾何處銜蘆肥。幸因地暖避冰雪。得返朔塞鳴毋悲。
東風二月花發時。走馬亦有游俠兒。酒盧飲罷出門笑。
弓箭在腰何所之。

偶至香界寺僧有自福山來者與話海市漫作

昔聞東坡賦海市。自笑無分官登州。寺僧州人乃見慣。
爲言變幻隨雲浮。今來春風扇蛟蜃。正有空影懸重樓。
須臾萬象在咫尺。大千世界何所求。且看曉日照宮闕。
張亨甫集

卷十五

八

亦如鮫室開滄洲。秦人癡絕信大藥。回首不見東海樓。
一椽茅屋足清嘯。放眼身外真泡漚。空山二月禽對語。
下窺人馬行蘆溝。風塵自古役壯士。但取將相酬恩仇。
馬上來者各有爲。豈知閒話西巖幽。吾思之呆足棲隱。
石田耕與麋鹿游。東坡往矣此境在。誰弄倒景凌丹邱。

去山

始我來茲山。擬卜一歲居。今茲五月去。問去意何如。一
僕與兩僧。晝夜爭呼盧。日高喚之起。百喚乃一趨。草草
治一飯。不復問其餘。平生性褊急。強恕成寬舒。寬失下
乃縱。往往背遣驅。一朝麾之去。苛刻反在余。滿目他人

子誰能不詐虞。貧士旣失志。出入坎壈俱。苟非施賴厚。
忠信那得符。念此我友僕。勸誠頻枝梧。恐彼成痼習。終
焉委泥塗。誰能逐山僧。惟應秣我車。

二十五日去山作

幽居從此去。眺聽獨含情。風雨一林色。春山百鳥聲。時
時見芳草。忽忽感平生。那有吾廬在。浮雲到處輕。

是日至龍泉庵

復此聽泉坐。平臨返照開。天盤幽薊色。千里一雅來。蘿
壁藏金剎。松風滿石臺。他宵應夢到。池上倚崔嵬。

雨

張亨甫全集

卷十五

九

出徑重雲滿。當門一鳥歸。石林陰漠漠。春澗夕霏霏。不
見西峯寺。疏鐘入夜微。新泉應更長。流去亦何依。

海棠溝

隱寂寺之右。石崖秋海棠。百年怨風雨。一葉不爲香。照
影絕流水。相思空斷腸。離離薜蘿在。向晚鬼煙荒。

松

老松屋右偏。風水意蕭然。巢鶴鳴山月。蟠龍走石泉。孤
生常閱世。抱節不凋天。誰解棲雲杪。餐苓亦上仙。

草

二月春過半。草青初欲來。寒根自天地。羣蟄待風雷。莫

遣牛牟踐。如迎鴻雁回。瀟湘望蘭芷。屈宋有餘哀。

棗

眼明棗葉紅。歲晚逐飄風。春至將含蕊。吾行又轉蓬。榮枯天地內。今古去來中。回首青陵柏。方知萬物窮。

白菓

白菓雙庭樹。枝柯長子孫。佛天蔽風雨。人代閱金元。近接風篁韻。深潛石脈蟠。大材世無用。自古老山樊。

修篁

修篁近白菓。左右亦雙叢。清得乾坤獨。寒生歲月同。無心常見節。有韻不因風。衰鳳歸來晚。人閒丹穴空。

張亨甫全集

卷十五

十

山椒

歲晏如紅豆。枝高倚碧雲。誰能識辛苦。自惜抱芳芬。下視荃蘭弱。高爲松桂羣。如何楚臣嘆。靈后亦無聞。

牡丹

眾芳零亂日。光豔比花增。大德不先物。真王多後興。榮衰繫春盡。富貴自天能。餘事爲紅藥。穠華漫苦矜。

夜夢至一山。有二僧來迎。卽居焉。云此西山最高處也。問舊居隱寂寺。曰在此下五十里矣。設榻處。皆絕壁流泉。扶壁始可行。開窗上下視。但混茫青碧氣。不見一物。俄大風雨。有故人八輩來。皆邑中。

舊游也。李君仁本，朱君亨嘉，亨鳳，餘恍惚不能記。共云初至隱寂寺，覓余知在此，復來相就，問於何地。遇風雨，云在山下三十里，卽索山僧蔬飯共食之。話邑中故舊存亡，相與慨然。復聞風雨颯然，則覺矣。枕上口號。

貧賤居難定，交親見亦疏。夜來對風雨，天地總空虛。已覺炊無飯，猶懽夢有廬。存亡古多感，出世復何如。絕壁亂飛泉，泉聲落枕邊。茫茫八荒氣，浩浩古人天。此境本非幻，吾行那得過。一歌茅屋破，深感舊游緣。

雨不止

張亨甫全集

卷十五

十一

枕上聞風雨，瀟瀟徹夜聲。寺扈號樹暗，鑪火近牀明。身世浮雲夢，江湖春水生。無田可歸隱，邨曉望農耕。

雪

曉望羣峯白，因知雨雪紛。飄零難擇地，變幻不爲雲。春淺寒猶伏，天高氣不分。萬緣悟消息，行矣出山氛。

苔

一雨苔新綠，千崖石舊蒼。大文見條理，生意別陰陽。今古往來迹，歲時深淺光。微風啄幽鳥，花落亦相忘。

鳥

蕭蕭風滿林，寂寂古今心。雨雪朝復暮，雲山寒更深。月

明照石壁。日落生層陰。此際絕人語。微聞啼鳥音。
石

太古亦無物。蒼然形氣渾。雕鐫如世變。條理自天根。面
壁應知道。看山共忘言。白雲流水外。處處坐黃昏。

澗

滄海或孤島。重山有複流。乾坤幾動靜。魚鳥自沈浮。清
洗高空月。陰鳴太古秋。君看南北澗。萬劫浩然留。

雲

人間望霖雨。舒卷自空山。萬物滯形迹。一天孤往還。坐
看風色起。或與石林閒。際夜多涼月。西風掩夕關。

張亨甫全集

卷十五

十一

月

古人不可見。但見古時天。夜雪照孤月。蕭然萬籟前。山
虛如大海。樹靜亦千年。偶坐崖閒石。還聞澗外泉。

落葉

無端有飄泊。何處不風霜。敢以歲時晏。而爭天地芳。孤
根應後死。明月已先涼。悵望江楓外。蕭蕭雁數行。

雞聲

夜靜氣始動。嚶嚶初一鳴。有時雜風雨。於此感平生。落
月故人夢。孤燈獨客情。明朝出山去。誰伴讀書聲。

福鼎林紉秋滋秀先生乾隆乙卯舉人今來謁選

以冊索詩書以爲贈

我之始生年翁登賢書久安知卅載後談笑對白首相

尋涉南北先生去年訪余於福州見兩農始知余在京師虛聲媿眾口養痾常

閉關迹疏情則厚昔君交游輩盡爲泉下叟先生及見法時帆王

鏞王張船山諸前輩當時各意氣盛名孰不朽翁今幸健在行樂

宜詩酒眼中豪貴兒焉用問誰某吾聞太姥山秀出映

南斗茫茫天地初白雲幻眾有幽陰大海通神異百靈

守攀援足不到萬石自老壽茲如文章奇不爭世妍醜

山中長生人樹蘭應百晦風猿叫秋月攀芳露盈手嗟

余倘相從待翁返林藪

張亨甫金集

卷十五

十三

七月初四夜劉星房良駒農部招同樹齋太史馬

湘颿沉農部小集酒後湘颿先歸遂同星房其

叔菊士敘孝廉樹齋登陶然亭四更始歸慨然

有作

憂來臥病廢傳觴翦燭終宵萬感長有酒偶然閒繫馬

無禾愁絕欲飛蝗東南兵疫流亡後時京畿久旱漸有蝗蝻湖南獠方靖

連州徭復起江南去歲水荒之區今癘疫復作今古河山徙倚旁搔首高亭秋

氣早三升閒遣話陰陽時謬言有星象之異故夜登高望之

得雲麓觀察書

素書昨自虞州來想見高懷鬱未開骨肉中年餘涕淚

時新喪
共哲兄
風雲萬古一低徊
新秋眠食知何似
瘴海魚龍
恣可哀
終是
朝廷賴安石
好將陶寫付深杯

送龔春溪維琳編修典試河南

鄉人四持節林可舟太史貴州龔霞城太史江南郭蘭石廷尉山東夫子我心儀

好學澤於古
憐才意不私
白雲望嶽色
明月渡河時
地入中原大
應看得士奇

閩學傳濂洛
程朱道所宗
後來溯清恪
遺澤在鼇峯
士豈文章貴
材應今古同
垂簾對玉尺
想見昔賢風

送仰山先生出鎮科布多

直道無險夷
真氣動遐邇
忠誠出至性
方寸輕萬里

張亨甫全集

卷十五

十四

聖朝拓版圖
極西盡邊鄙
茫茫不毛地
各有生成理
金山自苦寒
八月風霜起
邊人雜牛羊
穴處半生死
塞草春不青
關河氣皆紫
哀笳中夜發
沙石貫馬耳
穹廬蓋天日
慘澹積雲裏
自昔重臣出
感嘆如流徙
安知此部落
吾皇之赤子
百年戴威惠
矯勇足驅使
文教卽未
嫻
樸陋勝淫靡
被革鑿毛血
習俗想太始
恒燠與恒寒
南北候殊異
過嶺畏炎蒸
今看中夏比
風會或轉移
土物或豐斐
願公迂陽春
黍谷嚴凝已
况公慷慨意
報國貞素履
滇黔閩楚郊
馳驅徧輪軌
名榮身不辱
世事有張弛
譚笑對飛鴻
茲行亦可喜
出關向大漠
蕭條幾戰

壘兒童負弓箭。教之習拜跪。父老進漿酪。撫之辟鞭箠。
酋長奉節制。馭之信恩禮。登高望烏梁。四遠見天水。信
知宇宙大。浩然懷抱偉。嗟余媿公知。飄泊無定止。一身
謀不給。敢望天下士。四明賞太白。北海識子美。薄材慙
遠哲。高誼媿前史。未能奮窮愁。景行在廉恥。新秋忽相
送。悵惘失依倚。古來孤危勢。貴近積讒毀。棄置到遐荒。
謳歌復禱祀。天道誠難測。人心猶可恃。公看腰下劍。正
色凜神鬼。并沈何足論。進退固有以。寒木發春華。其秀
勝繁蘂。公往必逆歸。厥愛將在彼。庶幾社稷臣。中外非
異視。毀祀二韻原改本存家此始就行本原草錄之

張亨甫全集

卷十五

五

家浦雲明府之官粵東八月十九日送之盧溝橋

同宿逆旅賦詩爲別

若對天南月。應思薊北看。秋風吹片影。夜月宿桑乾。逝
水知人事。平生凜歲寒。循良如報績。能慰老親懽。

贛吉原鄰粵。民風近可知。百年習歌舞。千室幾流移。防

海仍通市。征蠻正用師。誰言多寶玉。君自感當時。

鄭公久不見。

雲麓觀察

徐孺興何如。

東松明經

每憶煩傳語。毋忘

數寄書。江流平野濶。天入大荒虛。兩地看雲水。離懷浩

似余。

後會俱何地。雲龍或有神。能招湖上隱。何惜海南民。桂

樹冬常秀。梅花古獨春。前身儻坡老。劇憶物華新。
身世紛多感。蒼茫戀此行。關河催木葉。鼓角動秋城。早
潦需才亟。風塵促別輕。後時如不忘。應見此宵情。

寄孔宥函

繼錄

上舍

君約于十九日就道期宿于盧溝余至而君不來

涼秋多淒風。志士多苦心。待君出郭門。悵望浮雲陰。夕
陽忽中野。但見青山岑。君馬復何之。烏鳥空投林。持燈
訪鄰屋。僕怨行呻吟。誰言桑乾清。君去同駸駸。晝游長
安陌。夜夢黃河滂。桑乾與黃河。東流悲至今。富貴古已
矣。坐恐霜盈簪。願君勗令德。還念哀鴻音。

范華原棧道圖爲邱仲嘉

才穎

孝廉題

張亨甫全集

卷十五

去

君不見秦蜀古來道不通。天梯石棧誰爲工。巒巒到眼
意超忽。茫然萬里游蠶叢。千山盤劍外。萬水趨巴東。不
知去天復幾許。但見瀑布噴落皆長虹。時來有割據。運
去無英雄。還是咸陽啟沛公。先主武侯虛闕宮。行人指
點興亡恨。盡在斜陽閣道中。崩崖木葉如花紅。子規晝
叫號元熊。一重一掩山籠篔。下出雷雨橫虛空。羈心忽
憶烏君夜。石室巉巖與此同。烏君山在光澤西昔壬午夏與君師雨農舍人游焉
鳥道崎嶇猿引始可上夜宿會仙巖絕壁萬仞下臨無地至今猶悚然也。恨君爾時不往從。
嗟余十載猶飄篷。勞歌共客長安市。誰寫雲山笠屐風。

春波洗硯圖爲徐星溪

慶超

總戎題

將軍磊落之奇人。臂肉可剗孝以真。總戎嘗割臂
愈祖母病 常歸里人骨。意氣豈必平生親。起家執戟侍

萬里

天子。旌旆悠悠建溪浹。令嚴白晝肅弓刀。時平滄海閒

烽壘。將軍談笑無青雲。落筆自喜龍蛇紛。洗兵不用天

河水。下馬真能露布文。吾聞端溪之硯冠天下。寶此何

須銅雀瓦。建溪石數黯澹灘。兩地同看碧波瀉。將軍愛

硯如愛才。豈惟拂拭開塵埃。宋公往事吾能說。公嘗一

嘆三徘徊。二百人試明光殿。驚颯晝起沙吹面。將軍爾

時何殷勤。公與將軍始相見。宋甘灣觀察嘉慶己未科
殿賜忽大風起塵沙汚筆

不得書總戎時爲侍衛爲覓湯浣復身爲蔽風埃觀察
卒得館選然總戎與觀察前此故未相識也故觀察常

張亨甫全集 卷十五

七

之感。宋公往矣吾所思。因公每憶將軍奇。未能長劍並揖
客。想見潑墨臨春池。仙霞嶺外無重險。將軍雄武豪強
斂。百越秋風滿大旗。落日轅門天慘澹。干城長願鎮吾
鄉。文采風流異蹶張。角巾他日如相訪。要看摩崖九曲
旁。

○伊藹堂潛孝廉屬題其夫人遺象

綺帳塵生百寶牀。三生難見返魂香。消殘荀令衣邊淚。

感到潘郎鬢上霜。永憶珮環如夢寐。古來歡樂有滄桑。

畫簾終夜看牛女。始信人間恨轉長。

春獵圖爲藹堂大父某將軍題

丈二長及三尺劍。笑談意氣動風雷。更馳駿馬平沙過。
直取春禽落日回。

先帝承平方偃武。將軍儒雅數銜杯。灞陵猿臂何須羨。未
有諸孫作賦才。

九月一日同家斗垣機弟游戒壇留宿萬壽寺

千里太行秋。蒼然入薊邱。興亡閱人代。俯仰復神州。山
色古今翠。河聲日夜流。心清到鐘梵。身世覺浮漚。
際夜松濤作。蕭蕭氣滿天。多情對洗馬。久病欲棲禪。鐘
動百禽靜。山虛萬籟全。西來復何意。了悟一燈前。

次日偕游潭柘口號

張亨甫全集

卷十五

六

溪迴如不盡。縹緲忽聞鐘。黃葉下流水。白雲生數峯。殿
荒換鵝鵲。潭古息蛟龍。便與阿連約。須尋蓮社重。

次日偕至翠微山宿龍泉庵

名藍如勝友。來往不嫌頻。泉動山常靜。天秋我自春。白
雲娛鳥性。紅葉悟花因。清歎松風裏。人間視一塵。
入社慙康樂。臨風感惠連。舊游經歲月。高臥俯山川。朔
野秋橫塞。渾河氣到天。正須勞惠遠。閒與話桑田。
勝覽勞登頓。茫然人代嗟。遼金無故剝。燕薊有驚沙。地
古浮雲幻。山空落日斜。今宵應見月。爲照誦楞伽。

羅浮仙蝶圖爲黃愛廬樂之考功題

世傳蝶爲鮑姑仙裙所化。丙戌二月。考功家人自粵東携繭至都下。五月蛹脫。考功置酒招客傳觀。旋即飛去。時座客武威潘石生。龍溪鄭雲麓。皆有詩。皆余故人也。雲麓於辛卯冬觀察粵東。而石生於庚寅歲前卒矣。壬辰秋九月。考功出圖屬題。慨然有作。

君不聞羅浮四百峯。峯峯秀出青芙蓉。縞衣遊戲不可見。至今但有翠羽啼東風。何緣五色蝶。宛宛紛相從。梅花月落春山空。一時嬌墮仙雲同。畫裙尙想留神姥。粉署飛來對寓公。當時五月長安陌。開軒觴詠延嘉客。坐

張亨甫全集

卷十五

七

中之客鄭與潘。使我披圖感今昔。潘公四十騎鯨游。豪氣平生隘九州。西華葛練何人問。目斷秦關洮水頭。鄭公一官滄海上。天南地北勞長望。夕陽紅冷珊瑚秋。玉嘯神魚動煙漲。風風雨雨常合離。身世何似羅浮奇。少陵久客嗟存沒。開府平生剩賦詞。爲君展畫復三嘆。古來大夢何時旦。春駒未必識莊周。莼鱸苦憶歸張翰。九鯉湖邊集雁鴻。五羊城外喧鵝鶴。朔方俯仰一書生。遲暮關河鄉思亂。朝來騎杖化爲龍。共汝鐵橋游汗漫。

壬辰九月出都留別都下交舊

仲華拜袞已蹉跎。俯仰乾坤一放歌。嶺外櫓槍照滄海。

江南菱竹盡黃河。至尊獨自勞宵旰。倦客空難問
笠簑。何處五湖足鮭菜。坐愁身世鬢雙皤。

謫仙自合老蓬蒿。醉後空憐舊錦袍。難遣長江變春酒。
但看浮世亦秋毫。投壺誰識天公笑。對簿終輸獄吏豪。

擾擾十年卿相夢。滄州歸去息風濤。

負郭曾無二頃田。東南何處繫歸船。波濤瘴癘爭人命。
去年水荒今年大疫盜賊流亡自昔年。野濶風雲常慘澹。江寒鷗

鷺與纏綿。憐才未必無嚴武。杜老傷時自枉然。

一身不給憂天下。萬里無端在眼中。此去倦游驚歲月。
古來多難試英雄。閒門長者迴車馬。遠道征人逐塞鴻。

張亨甫全集

卷十五

回首五雲高絕處。應知天末有秋風。

跌宕虛名二十秋。故應天遣徧羈留。霜蓬落日茫茫轉。

野水寒雲處處浮。未死尙思生出塞。得歸莫話昔登樓。

東山樵牧知安石。折屐風流在白頭。

感激今方媿故人。卽看僕病轉傷神。高雨農舍人舊僕蔡姓隨其弟子入

都開余落解爲之臥疾三日誰言穎士真王佐。古有靈均是逐臣。月

迴星稀同自照。蘭衰菊萎復何因。飄飄但見飢烏侶。飛

盡天涯更海濱。

送許薌韭

晚

秀才歸桐城

時丁外艱

國朝數作者。大雅稱桐鄉。方劉旣高蹈。惜翁誰頡頏。百

川竟東注。獨立爲隄防。至今識星源。邈然崑崙長。我生亦已晚。不及游門牆。嘗讀翁遺書。亦訪翁梓桑。但逢翁鄉人。話翁不厭詳。許君鬱奇抱。氣如鶴昂昂。說經究終始。遠薄漢與唐。夏殷有述作。誰言詩缺亡。一編訂邠風。欲升夫子堂。近以古邠詩義見示嗟余復何知。媿汝投琳瑯。三復但嘆息。後起空前良。養疴因閉關。隔巷徒相望。今君忽南去。哀感情可傷。人生一聚散。落葉隨風揚。根本苟不虧。磊砢凌冰霜。曠觀天下士。自許三代英。博雅繼賈鄭。鄙陋嗤歐王。百年過逝電。燿熄無餘光。固知不朽業。但在聲華場。讀君原善篇。使我意慨慷。庶幾嗣惜翁。肯逐張亨甫全集

卷十五

三

頽波狂。嵯峨浮君山。歲晏仍青蒼。會當結茅屋。醉臥煙濤旁。

鐵耕樓歌爲香鎮孝廉作

吁嗟乎黃君四十艱一第。空有百軸文。鐵硯豈足以代耕。嗟君終歲携持勤。南經甌海東行汝。齊之泗濱。北來遇我幽州野。落日共看西山雲。京華冠蓋自紛紛。儒生顛頓誰見聞。醉來拔劍仰天笑。我輩合是蓬蒿人。君胡不歸長閉門。有樓下瞰蒼溪濱。未須元龍臥百尺。且學揚子依一廡。欲歸不歸余亦然。四海飄泊何所云。君不見杜陵老。艱難留滯湖湘道。浣花溪下草堂荒。回首田園

迹如掃。又不見陶徵士。頭白歸來愛栗里。把酒愛素心。
候門憐稚子。百年萬事由天定。看君已厭彭澤令。君由
縣令不就他時種菊藝桑麻。待我相逢翦三徑。議敘可得
膽錄

徐廉峯太史憶壺園圖 圖爲黃左田宮傅所作

西山碧映如春痕。秀色併落君家園。夜來山月照高閣。
何人爲掃梅花門。江東退傅老入洛。寫君此意意有存。
君才卓犖冠當代。餘事作詩溫且敦。生平懷抱未一試。
獨有意氣空平原。憶昨悲歌望四海。天高漠漠重雲昏。
西來邊色動鷹隼。南去惡浪愁鯨龍。飄飄老鳳欲何往。
淒淒鳴雁嗟已繁。男兒不能奮績圖麒麟。猶當短衣長

張亨甫全集

卷十五

三

劍馳塞垣。不然踰伏草萊無見聞。日醉田家老瓦盆。安
守低眉折腰向九陌。旦夕俯仰慙乾坤。喜君有子已抱
孫。有田有宅東湖源。願君此後大建言。漫憶鱸膾供朝
飧。謝公別墅棋堪賭。司馬名園德並尊。嗟余運數頻厄
屯。君實知己况感恩。秋風萬里捲一葉。杜老何處求東
邨。臨行執手語鄭重。暮夜會見扶桑暎。君事洞庭有故
事。耆舊文采輝高軒。聖朝若許徵良史。賤子猶能

握管論。皓首無忘訂車笠。遂園重與繪邱樊。

贈別彝生

君與余皆落解先後將南歸索詩爲別
慨然有作

又到長亭握手時。再來相見復何期。重思往事添惆悵。

漸近中年感別離。殘月無端留酒後。落花有恨徧天涯。
歸帆若過西湖路。似水閒愁知未知。余歸道杭州擬游西湖君將歸侍尊甫於此

贈別登之

君秋闈薦而不售今將以通判分發出都索詩爲別慨然有贈

譚笑看浮雲。富貴復何似。公卿與輿臺。同爲溫飽死。誰能厭卑官。差勝作名士。出門學候謁。入門媚妻子。衣食足自完。宮室亦苟美。鷓鴣神變化。失勢困尺水。回首顧龍蛇。紛紜汚泥滓。天運苟已然。人生何足恃。勸君說儒巾。慷慨取青紫。相如未獻貲。郎豈爲其鄙。况茲名家兒。貂蟬映珂里。聲華冠中外。風流在文史。壯年出攬轡。進豈限一軌。慎毋語澄清。良恐招謗毀。憶昔屢爲別。相見積悲喜。蹉跎共至今。此別知遠邇。君嘗憐我困。我亦速君仕。關河有秋風。匹馬吾先駛。念君就道時。送者人餘幾。京華有朋樂。太息斯已矣。生存會重逢。世事難預擬。但餘耿耿心。不斷如流水。亦如日與月。旦夕時相視。交深言轉淺。感激固有以。吁嗟天下才。坎壈古如此。

壬辰閏九月六日出都

壬辰歲秋暮。我行去京師。驅車出郭門。悵望復何之。朔雲翳四野。寒日淒無輝。風飄霜林葉。忽墮游子衣。異鄉雖云樂。久客能不歸。落葉故無根。飄風故無時。游子猶

有家何爲泣路歧。

黃邨

出都三十里。邈與曠野通。落日照楊柳。蕭蕭黃沙風。回首眺宮闕。灑氣橫秋空。皇天不憫余。轍迹頻西東。茅茨見婦子。半菽恒不充。貧賤我非獨。饑渴人所同。夜來楊柳葉。霜落爲飛蓬。

固安

飲馬渾河流。六年徑十度。嗟汝青天高。歲晚有風露。風露一何涼。短鬢日衰素。河流日滔滔。照人顏非故。北望帝王州。蒼然入雲暮。我馬獨南行。踟躕在中路。海燕何張亭甫全集 卷十五 函

東飛夜烏何西顧。羽翼不相謀。何處雙棲樹。

雄縣

清霜滿天地。獨有楊柳知。飄飄黃葉散。飛去何天涯。有客歌苦寒。歌終聲轉悲。借問此何客。此客常路歧。借問客何爲。平生解詠詩。三十艱一第。妻子啼寒飢。妻子敢復恤。有母亦已衰。此客怨黃葉。何不戀故枝。託根何厚薄。嚴霜胡汝欺。黃葉亦無言。對之空淚垂。日斜雄縣郭。搖落徧荒陂。

河間

秋色滿天地。蕭蕭車馬來。征蓬與落日。千里故徘徊。望

遠休彈鋏驚寒數舉杯。今朝用毛貫一感說詩才。

渡濟水

濟水清如此。如何伏地流。黃河在天上。濁浪幾時休。飲馬不能發。西風落日秋。蒼涼有身世。自在羨沙鷗。

濟南道中

岱宗秋色際天來。千里蒼然返照開。莽莽寒蕪孤鳥沒。陰陰野戍亂雲迴。難陪北海參高詠。却望長安感下才。短褐飄蓬如杜二。故應望嶽劇低徊。

張夏

四山寒抱月。一澗夜鳴秋。客厭風塵倦。心知水石幽。茅張亨甫全集

卷十五

五

茨下棲鳥燈火引歸牛。櫪馬悲嘶急宵征未敢休。

望嶽

岱宗積勢鬱崔嵬。輦道何年青壁開。封禪祠壇變北上。明禋玉帛亦蒿萊。天橫白日滄溟動。地敞中原秋色來。絕頂誰能一登眺。秦皇漢武總堪哀。

望嶽

岱宗首五嶽。祀典開皇王。恭聞有虞氏。玉帛修巡方。明聖德既遠。封禪侈漢唐。秦人嗟何功。刻石摩穹蒼。我昔登日觀。矯首望八荒。中原積氣盡。下視杳茫茫。白日出東海。黃河河流黃。安知嵩華小。復少崑崙長。神靈應盛

代雨澤崇朝滂。如何縱陰森。爾則孤馨香。旱潦帝所憂。
民困賴降康。仰瞻餘嘆息。駐馬思明堂。

。去年十月望夜。余在都下西山隱寂寺。得福建鄉
試錄。時樹齋侍御子序明經。是日來視余。留宿山
中。相與嘆息。今閏九月望夜。余復落解出都。宿泰
安。得福建鄉試錄。時子序亦落解。出居保定。余與
侍御相隔千餘里。慨然口號寄三君。

東嶽當頭見明月。西山過眼即前塵。十年放逐如殘夢。
四海升沉感故人。可有豹皮留不死。更無龍性鬱能馴。
平生知己仙屏客。差似當年賀季真。

張亨甫全集

卷十五

三

曉渡汶水回望泰山有作

天門一輪月。送我獨宵征。月落平沙曙。悠悠汶水情。石
林靄蒼翠。雲水蕩空明。誰看滄溟日。朝來絕頂行。

羊流

灑氣滿長空。關河盡秋色。升高見千里。冉冉落日白。驚
風捲亂草。飄轉如行客。沙塵雜人煙。霜林間蒼赤。際天
孤鳥外。停雲黯無極。下山復涉水。水深馬沒脊。茲行難
具論。露霧侵晨夕。宵征或失道。晝飢不得食。三日至羊
流。僮僕顏面黑。岱宗何巉巖。不聞人嘆息。可憐流離子。
抱兒泣路側。我馬飽芻豆。人兒半黃瘠。生命不如物。茲

理誰能測，卻憶羊叔子。荆襄有遺澤，墮淚峴山亭。風流照今昔，皇天固惻隱。志士當努力，窮愁恤一身。豈忘活邦國，竊媿細人意。咨嗟困行役。

聞羽可四農至口號

悵與名山別，欣聞好友來。同時先二子，老學復高才。白璧原無價，黃金舊有臺。豈聞售燕石，不欲市龍媒。騰蹕當千里，酣嬉憶一杯。和歌重慷慨，看面定低徊。江土龍鼃窟，淮南鴻雁哀。且論吳米直，孰泛晉舟回。雨雪關南滿，車輪河北摧。斯民恐寒餓，吾輩各塵埃。愁眼乾坤闊，虛名歲月催。着鞭真望祖，貫廡久思恢。兩劍爭輝斗，三星或儼能。風雲終遇合，流俗漫嘲該。大厦思梁棟，清時辟草萊。致君非讀律，遇匠必呈材。商羽聲誰和，俳優世所推。身宜大小得，道本古今該。喜極言常盡，交深意不猜。明朝慰離索，傾倒潑新醅。

贈姚伯山

東之

大令即送之粵東

君家惜抱翁，好學老益純。諸孫富文采，蔚然時無倫。大令甫驥子，怒侍郎伯龍媒。馴看君倏驂駕，驂驅迫前塵。

詞章蓋末藝，根本義與仁。處爲貞介士，出爲經濟臣。頌叩千載間，傳者惟一真。學道無所得，剽竊皆浮陳。速華實乃墮，流俗不足珍。昔君始釋褐，薄宦漳河濱。昨來聽

張亨甫全集

卷十五

二十七

憶翠微山

翠微讀書處。幽事共誰論。修竹時有雪。寒燈深閉門。閒思太虛幻。靜見古人存。却遣仍飄泊。征車愴夢魂。

琛莊

陂陀盤亂石。泥濘斷行蹤。遠火看邨夕。嚴寒覺野空。天低馬背上。月出鵲聲中。草草投荒店。勞人信轉蓬。

渡沂水

汶水復沂水。滔滔傷我心。幾行秋更暮。霜露滿衣襟。野鶴失高舉。山猿唯苦吟。因嗟衰鳳德。歲晚在丹岑。

自沂州至郟城夜宿郭外有述

張亨甫全集

卷十五

文五

朝從沂水渡。夕望郟子城。曠野多悲風。鴻雁相哀鳴。際天衰草外。惟見飢人行。單車挈老弱。性命同死生。夫推妻前挽。中有兒啼聲。夫妻草間坐。撫兒涕淚橫。可憐露下根。霜落不再榮。時運有往復。天道常虧盈。嗟汝流離子。昔豈廢織耕。汝倚天何誅。汝困何時亨。躑躅我馬悲。昏黑猶前征。入門索燈火。酒盡餘殘羹。主人前致辭。今年稼不成。室有凍死骨。野有逃荒氓。勸客幸無慍。得食無求精。我聞意慘惻。汝豈知我情。我亦苦飢寒。奔走去燕京。有母無以養。投謁無公卿。空歸對妻子。抱慙不自明。匹夫被短褐。曠懷三代英。徧觀天下事。忍詠泌與衡。

父老。去後謳思頻。乃知賢母教。爲政非因循。以茲溯風雅。若涉知其津。新詩一何高。逸響宛有神。正聲鬱慷慨。古澤涵淵淪。太息天下事。隱憂如在身。今當適百粵。何以貽斯民。此邦積豪吏。勉持平生貧。舊游習風土。庶使澆還淳。我生苦局促。瘦馬困轅輪。竊媿私淑意。漫踏龍眼春。同時數君子。落落星向晨。南北常一遇。在遠情則親。先人世名德。往軌視所遵。君七世祖入循吏傳端恪公國朝名臣惜翁以文名

黃香鍊釗孝廉枉贈奉酬即題其松下譚元圖

管樂嗟誰問。韓歐孰可知。獨餘千古淚。悵望九州歧。夫子粵中彥。相逢日下遲。賤貧非矢志。慷慨豈鳴詩。四海

張亨甫全集 卷十五

方多故。孤舟何所之。不成狎鷗鳥。但見長蛟螭。憂兆陰陽外。人酣早潦時。諫書今寂寞。羽檄昔交馳。賈誼未匡漢。季梁空在隨。傷心雜歌笑。避謗有驚疑。餘事猶難論。高才肯自卑。正聲變繁濫。末俗情威儀。聞世憂憐曠。多年杞卽夷。飄飄浣花老。蕩蕩后塵悲。往者真攀宋。斯人渺莫追。當時一書札。此日兩心期。宋芷灣觀察君鄉先生往歲見余詩有書與君以知余也。句掩羅浮秀。羣空燕趙奇。異軍方特起。儒雅是吾師。頗媿陳同甫。來詩烏厚陳同甫間世乃相抗長懷章左司。閉門客久謝。來詩近聞學閉門相見喜無恙掃地僕能爲。怪爾髮俱素。平生同早衰。丹苓倘許就。應逐赤松嬉。

運會不我適。凜凜持艱貞。寒蟲叫戶牖。殘月當櫺櫺。夜闌耿不寐。浩歎良股肱。

桃源

宿遷至桃源。百里連長堤。隄下半飢人。穴處蘆葦低。往往蓬首婦。抱兒當風啼。婦啼兒亦啼。不知何慘悽。是日風復雨。鴉鵲紛東西。側見號乞者。長跪當馬蹄。問汝誰氏子。汝困誰使之。汝實不能言。嗚咽我馬悲。人生寄一世。萬事那得知。昔汝有室家。今汝胡流離。艱難幸勿死。溫飽會有時。吾

君至仁聖。大吏父母慈。善氣所感召。旦夕蘇瘡痍。吁嗟

張亨甫全集

卷十五

又天

慎莫疑。皇天不汝欺。

晚發桃源野宿田家

驅車日已暮。積潦修塗荒。昏黑卽曠野。四顧天茫茫。我馬望邨嘶。稍出夜火光。叩門許借宿。兒童走在旁。中宵聞書聲。攬涕紛旁皇。憶我少小時。課讀依爺孃。見客令肯誦。舉語無遺忘。父兄顧我喜。賓客爲我良。焉知二十載。貧賤困他鄉。蕭條殯室外。木葉零秋霜。況我亦有兒。十五如我長。我困使廢學。此情還內傷。咿喔荒雞啼。大星照繩牀。僕夫催人去。問答不及詳。遠游胡不歸。媿汝田家毗。

渡河

歲窮草木落。民窮變詐生。匹夫不畏死。遂使河堤傾。河水半入湖。決湖歸河行。可憐百里間。乃見黃河清。我來照衰鬢。觸目餘憂驚。兩岸泥潦中。飢人紛縱橫。悲風白日。起但聞號寒聲。黠者自玩法。困者誰輸誠。此水日滔滔。太息宜歸耕。

○至高郵慨然有作

誰將洪澤通黃水。遂使淮陽漲白波。一綫長堤資轉漕。百年平地欲成河。天低極浦人家少。雲暗荒城估舶多。濁浪長風吹不盡。蒼茫身世恨如何。

張亨甫全集

卷十五

无

○過召伯驛

白鷗紅樹故依然。萬竈消沈息爨煙。人與蛟龍爭窟宅。水浮帆楫入雲天。徒聞禹蹟存疏導。誰使吳民屢播遷。安得監門圖書在。苦思謝傅節旄賢。

○揚州

江淮日夜同歸海。倦客扁舟尙此鄉。鹽榷今方待劉晏。才名誰與弔歐陽。嚴風急雨摧瓊樹。野火寒蕪徧蜀岡。多少流離兒女在。宵來城下泣清霜。

○登北固山

東南秋色橫江水。千里蒼然滿潤州。戰伐已銷京口氣。

風煙仍見海門流。誰憐晉宋中原盡。却對金焦兩點浮。
北固淒涼空在望。三山縹緲欲何求。

十六日毛君生甫別去慨然成詩

淡旬晦凍雨。江上遲歸舟。及茲對霜月。憶汝方中流。飢
鴻唳四野。貧士何所求。風寒葉先脫。水濶星孤浮。夜天
浩一氣。獨知人外幽。物運易新故。客懷殊樂憂。漫懷仲
叔恥。倘與元禮游。時君在三河口訪李申者明府相思竟不寐。入夢知
無由。

十九日舟發常州夜宿郭外却寄石甫大令武進
少陵遇縣宰。賓石匿趙歧。古人重意氣。感激豈復辭。曰

張亨甫全集

卷十五

三

余困貧賤。南北常奔馳。恭逢承平日。志士嗟何爲。短褐
避卿相。高論懷軒羲。舉世厭其狂。側足窮所之。十年讖
夫子。到今不我疵。慷慨出胸臆。扶持濟顛危。常念此義
孤。身受更不疑。憶昨渡江來。初三微月時。回首見圓缺。
眷戀吾行遲。郭外風始寒。霜露慘以滋。悵然宇宙夢。獨
覺乃在斯。荒林帶迴渚。暗鳥驚卑枝。夜登落水處。野泊
方無期。平生信豪宕。來者冀可追。良恐死飄泊。內媿羞
妻兒。自非百世士。肯問寒與飢。

泊吳江

江天煙雨獨歸舟。橫笛誰家風滿樓。永夜羈人對孤燭。

坐聽楓葉下寒流。

至烏鎮大雪遂泊舟

天暗雲頭合。江寒水氣深。一舟風雪夜。千里歲時心。獨
犬號船火。飢鴉警凍林。萬方多野宿。媿此擁重衾。

新市

往歲蘇州至杭州日夜舟行不絕今年盜賊滋多入夕卽泊矣二十四夜宿此慨然有作

我來涉吳越。十月天清寒。雨雪積道路。久客衣裳單。歸
心日已速。舟行去轉難。竊聞盜賊多。中夜起長歎。此或
困苦民。無食恣爲患。入豈無父兄。出豈無長官。何以覲
苟活。暴掠游風湍。江湖日夜逝。誰能測其瀾。孤篷一夕
霜。曉畏堅冰團。蕭騷老樹下。繫纜如荒灘。萬事有今昔。
張亨甫全集

卷一五

三

反覆固無端。吾將籲蒼昊。溫飽使汝安。

塘西

不見詩人宋大樽。爲憐絕調在乾坤。斷鴉流水塘西地。
風雪誰知昔掩門。

登吳山

天目鬱神秀。蜿蜒開錢塘。萬家向落日。併入湖山光。隔
江對禹陵。雲氣垂天長。疾風捲亂葉。不見冬青霜。蕭蕭
雁如雨。浩浩波連檣。客懷竟東逝。誰與知興亡。古來登
臨勝。足使意慨慷。矧此歲方晏。搖落逢他鄉。回首甲夏
后。靈駕渺難忘。許身稷契間。何以濟明良。白馬怨鬼雄。

朱鳥哀國殤。乃悲古烈士。受性固不祥。飄泊寄短棹。紆
迴陟崇岡。暫憇翻百憂。悵然懷八荒。吁嗟化人跡。馭氣
游扶桑。

游雲栖

至萬邨卻回

蕭條錢塘雨。倦客淒心魂。輕輿訪湖山。向夕至此邨。茅
屋四五家。酒壚霜林根。水氣上山椒。化爲重雲昏。天寒
散鳥雀。日暗收雞豚。風帆逐去雁。浦口何飛翻。靜觀萬
物態。進退若有原。紛吾行無定。適意聊忘言。

二十九日風雨舟發錢塘次日復雨過富陽十一
月朔至日曉霽過桐廬遂入七里瀨夜泊釣臺

張亨甫全集

卷十五

三

下次日復霽泝瀨至嚴州卽事成詠

歲窮催短景。客久愁長途。滄江破凍雨。旦暮輕帆孤。城
郭帶渚雁。霧露侵檣烏。征魂濕不飛。幽夢化爲魚。龍蛇
信莫測。失勢皆須臾。慨想羊裘翁。大澤甘樵漁。曉色滿
富春。清輝照桐廬。焉知千載上。不似吾來初。峩峩太古
壁。積翠浮天無。風寒瀑布絕。石罅吹烟疏。峯巒旣阻積。
雲雪各慘舒。未應陽氣動。但悵流年徂。夜泊萬籟中。蒼
鹿叫山隅。傾崖響急澗。映火寒潭虛。下窺星芒大。倒射
峽角麤。雙臺互蔽虧。勢墮如交扶。復感夕社人。邱壠亦
已蕪。歛歛更達曙。旭日迎行艫。重障轉劣崩。奔流激崎

嶮中涵碧玉光。竹樹清而腴。冬青闕夏綠。奇采不可摹。
扁舟垂綸叟。漾影白見鬚。空明杳靄間。宛有靈真居。吾
生久道路。愛樂境每殊。連朝百里涉。嘯咏已有餘。陰陽
自往復。今古迅乘除。坐觀羣物化。乃覺勞形軀。霜林蔽
睦州。午霽聊攤書。

馬磯

浹旬六百里。水行何速遄。霖雨一以洗。雪霰橫長川。亂
山若萬弩。日射孤舟前。白氣晝慘澹。參錯勢亘天下湧。
石瀨高。陡瀉蒼濤懸。中流對鳥墮。欲進同盤旋。北風終
夜作。積素明沙塢。氣寒如受月。影絕復見烟。推篷望九

張亭甫全集

卷十五

三

州。恨愴一水邊。崢嶸太陰精。潛光掩龍淵。大化亦須臾。
順逆無常權。今朝乃反風。東來送洄沿。赤日漏未出。蒼
翁彤雲顛。修篁帶橘樹。霜翠色始鮮。驚湍泝崩騰。百轉
障阜連。入夕至馬磯。灘聲疑風泉。當頭喜見星。坐久月
在肩。正恐曉復雪。起訝冰留舩。舟人竊怪語。此客曾無
眠。安知客久倦。短夜猶長年。吾親亦已衰。吾歸苦不遑。

青山灣

落日散奇采。夕光明西南。乘流信輕風。翠色包迴潭。寒
鳥各自飛。影滅餘烟嵐。依依帆際月。皎皎波中涵。疏鐘
動絕壁。幽夢懷茅庵。

東川

出貴溪卽迷失道徑亂山中至此才三十里耳

出門有歧途。宜洒楊朱淚。亂山積雪高。一鳥下寒翠。腹
飢望煙火。暝色茅檐至。孤燈照深屋。父老話荒歲。北風
夜閉雞。獨坐月在地。靜念平生游。愴然如夢寐。

漁塘渡口

在上清司下流二十里石峯最奇峭

水來上清溪屬貴。幽山闕上清。曲一片懸孤雲。千重削蒼
玉。空明互照影。礨礨自成族。石氣晝浮天。安能辨崖谷。
煙篷入蒼茫。日夕見寒綠。吾欲訪靈真。丹崖結茅屋。

對橋

棕櫚修竹映山青。店倚楓根似破亭。一夜雪消疑作雨。

張亨甫全集

卷十五

三

北風吹向月中聽。

清江

清江似楊林。悠然憶親故。殘照滿蒼山。孤烟上紅樹。天
寒夕流急。閒鷗睽人渡。

后車

溪迴眾山深。窈然見蒼翠。松色照寒塘。夕鳥鳴幽寺。征
人獨不眠。殘月在簷際。

石亭

在南豐東北十五里未至縣也

朝晴夕雨霰。天道誰能知。數家成聚落。煙火柴門欹。主
人意何勤。拙野多言辭。娶婦始三日。客舍陋未治。酒薄

且盡醉。風寒年歲飢。坐久導入室。土牆懸蛛絲。小戶正
面灶。夜昏時見炊。馴犬走我旁。遶牀復嗅衣。黠鼠伺我
側。乍去旋來窺。中宵聽母女。艱難話所私。雞鳴起操作。
媿我方無爲。况聞夏秋交。疫癘成瘡痍。苦旱害禾稼。食
糠固不肥。誰能罪真宰。蒿目空嗟咨。

三樂嶺

南豐縣至此三十里

午行發南豐。向夕至此嶺。天寒茅屋閉。夜深燈火靜。空
山落微雪。殘月在松頂。蕭然生道心。大地一塵影。

百丈嶺

嗟峨萬山高。積雪何茫然。疾風捲飛瀑。下注百丈淵。中

張亨甫全集

卷十五

三

通一鳥道。亂石層冰。堅白氣凜凜。冽陰崖紛盤旋。側目
不敢顧。凍獸斃我前。如何負販子。重足猶攀緣。年荒婦
子餓。忍死肯息肩。搔首爲太息。轉側僕已顛。強起向山
家。晝閉門無煙。

蕭家灣

同產十六人。一兄二姊存。遠客飢寒歸。見姊如家門。雪
中得湯煖。僮僕向火溫。細話家人事。勸我毋憂煩。阿甥
索母抱。掩面餘啼痕。明燈照土屋。凍樹欹籬根。今年穫
稻少。嘆息酒亦渾。骨肉幸無恙。那復計盤飧。坐久雞亂

啼。睡覺忘朝暾。

到家

仲冬月既望。我行始到家。兒歸母復病。仰天惟嘆嗟。子
弟漸長大。懶不勤桑麻。情獨內傷。吾生亦有涯。母言見
兒歸。卽死意已瘥。涕淚告阿母。反哺不如鴉。可憐屋上
烏。正啼寒風斜。阿母促就寢。雞鳴簷霜華。家雞久不聞。
聞雞憶駕車。慨想負米士。安得棲烟霞。

張亨甫全集

卷十五

建甯張際亮亨甫著

孔慶衢寄吾校刊

二月二十九日自里門赴汴梁是日行三十里宿

於刊都符氏別業次日至南豐却寄贊夫益謙

雅懷厚園諸子

出門慈母悲在家慈母喜如何更遠游扁舟涉江水江

水亦西東吾行那得已交親走相送轉益平生恥賤豈

怨飢寒貧多累鄉里幽憂復誰告生存剩數子慰彼泉

下懷謂嚴山也余以去年仲冬抵家嚴山八嗟余恐已

矣清晨置樽酒話別未移晷是日贊夫益謙自家來送

張亨甫全集 卷十六

畧譚 卽別 中年各多故太息但相視輿輪踰嶺行去余卽十

丈嶺乃江 日夕隨所止主人意何勤痛飲渴醇醴醉中

勸吾兄符氏主人與先伯兄爲兄弟交今年六游處必

豪士詰朝未許發百杯戒行駛春城雨復風夜宿萬籟

起崩波遶老屋寒燈閃花蘂淒淒切骨肉歷歷數朋友

江魚飲江流下上見頰尾枯魚不敢泣作書報魴鯉

○ 初一夜飲桐生席中在坐者其五弟鞠農及其諸

兄也

春城風滿畫蕭蕭楚澤騷魂不可招謂梅四海方人誰

健在一尊豪氣欲全消猶憐兵疫東南困却望乾坤雨

雪驪宦海何如章貢穩。白頭兄弟約漁樵。

○三月三日舟發南豐至建昌口號

又落江湖泛梗同。飄飄何處繫孤篷。章江一碧桃花水。

三月三朝吹徧風。

○菊農叅軍旦泊圖

萬里乘風欲到天。何如槎犯斗牛邊。却愁銀漢長清淺。

不及蘆花漾釣船。

巫峽峯高接楚雲。莫嫌蠻語作叅軍。停舟父老應相問。

此水清曾照使君。

君父由四川通守起家至寶慶大守君今亦分發四川

樓船直下石頭城。王濬奇功一旦成。君到益州更西望。

張亨甫全集

卷十六

二

悲風日夜捲江聲。

驚濤眼見亂帆摧。且任爲佳莫溯洄。我亦倦思西塞客。

桃花流水鱖魚來。

○聞蘭卿太守來守吉安因有此寄

昔同新建神明守。今治歐陽父母鄉。名世高才儻相接。

斯民直道不能忘。江天醉別仍千里。春水迴看各一方。

他日論詩見徐郭。應知倦客減清狂。

時作書與太守言屬邑永豐有二詩

人一郭羽可一徐東松也

○登滕王閣

章門一醉十六載。高閣重看千萬山。彭蠡湖光出天白。

匡廬雲物向人閒。荒年積雨愁炊斷。潦水連城怨雁還。
翻羨鳴鑾載歌舞。倦游何事更時艱。

將發南昌程玉農廉訪惠書謬有李杜之推慨然
感懷口占二絕句

徐孺門前碧水流。滕王閣下白雲秋。夕陽風色來千里。
短鬢天涯詠四愁。

憐才亦有賀賓客。知己非無章左丞。慙愧十年獨乞食。

蕭蕭風雨望廬陵。時將赴吉安周小湖學使之招

寄廉峯侍御

聞去年補御史未十日以言事議降三級調用

特旨仍歸翰林

却聞翔步舊花磚。慙直知應

聖主憐。日暮金臺一

張亨甫全集

卷十六

三

搔首。莫愁風雨欲連天。

十一夜乘月自章門放舟至吳城

畫惟風雨夜明月。誰道羣陰蔽太陽。一片江天浩煙水。
兩三星火剩漁莊。哀鴻似客低飛急。獨犬無人偶吠涼。
回首西山足薇蕨。因何濯足向滄浪。

登望湖亭

九疊屏風色蒼然。滿蠡湖。長波赴天盡。大鳥與雲孤。雨
暗沈廬井。年荒竭葦蒲。登臨感身世。浩浩歲華徂。

泊女兒港

余四渡彭蠡三渡皆春時也

春晚仍爲客。湖長浩自波。山光兩孤斷。水氣九江多。歲

謹添倡樂風霾阻棹歌
飄蕩未覺久蹉跎

放舟出湖口泝九江作

一舟來澤國三面望匡廬吳楚風濤外江湖春雨餘青
天坐蕭颯白日氣空虛不見青蓮老飄零感在余

九江

我船名巴舫其家在潯陽水行二日餘忽已至其鄉鄉
人各問訊畧聽情難詳到門且停泊水潦頽其牆牆根
閣小舟有髮憑舟望自言乃其父八十雙瞳光見兒遙
捋鬚便問風濤長小女聞爺歸跳躑來翁旁率衣聽翁
語對船呼其兄誰無弟與兄誰無耶與孃江漢何東流
張亨甫全集
卷十六
四
我行西適梁

琵琶亭晚望慨然成詠

夕陽天外來江漢風帆闌前別楚吳千里蛟龍吹白浪
一城鴻雁下黃廬東南裊歲嗟何劇今古浮雲變屢殊
何怪唐家多事日青衫司馬泣踟躕

家子畏太守招游庾樓言欲繪圖先屬爲詩

大江東下趨建康戰艦如馬騎騰驤自從三國更六代
此州扼險爲隄防當年元規領重鎮高樓下瞰江水長
登臨遠足辨烽火賓從閒與傾壺觴江山風月浩千里
發興何必非武昌紛紛南北一掃蕩故壘蘆荻連斜陽

灌嬰郭璞等已矣。郡城傳爲漢灌嬰建郡。署門傳爲晉郭璞建。後來白傅空

淒涼。盛時四海空梯航。屯兵亦復摧巖疆。本朝江西省總兵二一駐

贛州一設關置吏權舟稅。客行必泊常栖皇。客行欲速

吏故緩。常恐旦夕波濤狂。昔從關外見樓艦。翼然百尺

臨城牆。安知乃在臥閣後。讌游不費躋攀忙。風流老輩

朱與方。朱辛楣太守重修樓方茶山。太守種梅花花各三十樹。種花補屋賓朋良。

吾家農部能文章。後先守郡相頡頏。清晨招我恣吟眺。

但見一白江混茫。半帆蕭蕭出霧影。萬樹漠漠低煙光。

須臾紅日卷碧浪。鷗沈鴉起翻千檣。江天形勝有吳楚。

人代戰伐無齊梁。匡廬九疊雲錦張。謫仙何事歸無鄉。

張亨甫全集

卷十六

五

時平盞子猶多幸。世亂奇才每可傷。欲同絕頂摘南斗。
騎鯨散髮凌扶桑。西來長風漫蕭颯。富貴塵上徒飛揚。
看君下車鋤豪強。太息戶口稀葢藏。三年水潦流離淚。
已似尊前江漢滂。繪圖豈獨美曠覽。俯仰今古知興亡。
君不聞黃樓蘇與籌邊王。捍患於今民不忘。

○ 蘄州

春水船如天上坐。杜陵佳句老猶精。江從楚地流多曲。
山到蘄州勢不平。斜日亂颿聞遠笛。曉風垂柳過孤城。
十年倦客方增感。處處能傷旅望情。

道士泐

崢嶸立絕壁。勢若熊猊蹲。驚濤自西來。一觸爭飛翻。東
望到蘄州。浩然雲天渾。高帆散鳥雀。白日游鼉龜。鐘聲
墮空冥。石罅聞人喧。僧寮隱竹翠。倒影皆無根。壁上秀
黃花。欲采不可捫。側見青峭下。復有漁簪掀。陰風暮蕭
蕭。盪水成螺痕。須臾濁浪作。窟宅羣靈蟠。崔巍列斷岸。
慘澹明沙邨。千山各湧出。此實爲江門。舟行眺遠近。接
目少所欣。安得佛龕燈。坐對清心魂。

暖日

暖日麥花秀。微風時鳥鳴。江天連雨足。春水一邨生。倦
倚客中棹。閒看原上耕。不如老農圃。三十竟何成。

張亨甫全集

卷十六

六

夜泊偶感

我行向宛洛。春晚尙蘄黃。風日輝光澹。江山氣勢長。饑
寒哀父老。兒女變優倡。際夜聞絃索。能增道路傷。

黃州

謫仙死去東坡來。楚江山水供嘲誡。至今千年遂寂寞。
扁舟憑弔胡爲哉。長風浩浩駕巨浪。疊巘漠漠浮輕埃。
青天盡處映孤鳥。想見老鶴宵徘徊。孫曹往事曷足哀。
人生快意惟銜杯。惜無洞簫寫清怨。但有赤壁高崔嵬。
嘉魚武昌苦區別。世間餘子公所哈。當時水月無佳着。
何處不送梟雄才。嗟余飄泊知誰媒。非仕非隱必悲摧。

欲招醉魂與痛飲。春流不變葡萄醅。空知樊口最幽絕。
無田那得懷抱開。中原從此更獨往。凋零詞賦傷平臺。
大峨山好竟不回。垂老尙遣過瓊雷。一生萬里公無憾。
魚鳥親人且莫猜。

青山

在溪口下流三十里。信州河口下流三十里。有青山灣鄱陽湖大孤塘上流十里亦有青山余嘗往來泊舟。

夕陽無遠近。一片入蒼茫。漸暗青山色。何因到武昌。因
留聽風水。星火滿江涼。幾處青山客。誰憐道路長。

晴川閣見宋芷灣先生題壁詩二絕句

宋公今不見。但見舊詩存。一碧漢皋水。千年招此魂。夕

張亨甫全集

卷十六

七

陽橫大別。飛鳥入中原。失路兼留滯。何人與細論。

黃鶴樓

日落楚雲白。天清江漢秋。千帆出樊口。萬里盡滄洲。我
欲乘黃鶴。重尋崔李游。風塵更無地。獨醉此高樓。

晴川閣

日斜黃鶴樓。遙對晴川閣。風色滿長江。天際孤帆落。

大別山

大別內如屏。長江外如帶。漢陽好城郭。山水合煙靄。

月湖

月湖古何地。云近郎官湖。郎官愛此水。風流今已無。

梅子山

泛湖因登山。下見江漢水。白鷺一雙飛。湖上涼風起。

鸚鵡洲

閒吟鸚鵡賦。莫漫話曹劉。芳草年年長。行人怨此洲。

桃花夫人祠

今爲關廟

祠古因何廢。看花誰解傷。門前碧湖水。日與照紅粧。

○漢上鄭君招飲酒樓。武昌徐翁作轉韻長短句索

和。次韻走筆戲報之。

君不見江天縹緲黃鶴樓。呂翁去後誰仙儔。當時聞笛感太白。長安西望空回頭。又不見正平佯狂有遠志。世

張亨甫全集

卷十六

八

亂懷才肯一試。坐上空傳鸚鵡篇。青霞意氣傷奇肆。古人已往今人來。便市駿骨難登臺。不如漢上層樓開。握

手大笑同銜杯。敢云碌碌盡餘子。蓋代聲名亦倣屣。萬言何曾值一錢。戲笑怒罵聊復爾。隨風盡生玉與珠。九

天咳唾吾豈如。平生知足差不辱。興酣俯仰無求餘。有如國馬立萬隊。駿足鞭笞任奴輩。亦如三湘九疑山水

亦自佳。何必遠探河與岱。恆河沙數視大千。不平那復鳴龍泉。班超傭書負燕領。馬周失路嗤鳶肩。請君飲聽

我歌。英雄落魄知誰何。才人不遇非坎坷。惜無吳兒歌水調。能歌楚些亦清妙。屈平宋玉久已無。正恐不滿漁

翁笑勸君莫甲古。對君還傷今。三楚兵疲愁我心。邇來
遍聽哀鴻音。眼中不見桃李園。醉裏傾倒琥珀尊。此口
但飲縱快意。却感飢寒萬姓啼。朝昏君聞我言掩耳走。
須知狂言亦豈偶。未能揚州作園叟。復向中原更搔首。
和歌試問鄭當時。何處重逢酩石斗。

後湖曲

日斜遠山青。天長芳草綠。楚江秀色多。不如此湖曲。
湖水春來長。游人亦泛船。誰家歌水調。只在月明邊。
湖水晚來碧。游人堤上行。隔花聞鳥語。一半是箏聲。
朝從湖上來。暮從湖上去。茶煙出湖樓。衣香滿湖樹。

張亨甫全集

卷十六

九

漢皋三十里。極望但青蒼。湖柳風多處。層樓夾畫牆。
聞道清明節。家家此踏青。落花擁芳草。作意妬娉婷。
儂如大別山。忍別月湖水。歡如漢水口。日流向江裏。
西上上三峽。東下下九江。湖風與湖雨。吹不到船窗。
儂從湖頭來。權從湖尾去。見頭不見尾。腸斷花多處。
後湖使人權。後湖使人愁。歡愁雨不管。湖水日悠悠。

漢陽別陳士亮

天澤

司馬

紀羣交誼湖前游。相見天涯感做裘。分手日斜對風帆。
因何高下向滄洲。

由湖乘小舟至滄口

我昨沂江漢。惡浪驚心魂。及茲涉安流。縱覽得所欣。天
清遠見樹。野曠時分邨。回首不忍別。大別如眉痕。風帆
自東去。慨然思岷源。逝波有今古。積氣無朝昏。孰知夷
險異。卽日難同論。溪童正晒網。父老閒倚門。登車顧我
舟。斜繫楊柳根。後來者誰子。乘此游潺湲。靜觀悟往復。
萬化過不存。夕陽留野宿。俯仰因忘言。

黃陂道中

客路征車倦。人家刈麥忙。屋低高出樹。澗遠近分塘。白
日沈雲夢。青山隱漢陽。孤邨貪早宿。父老話年荒。

孝感道中

張亨甫全集

卷十六

十

做車如雞栖。偃仰隨曲木。東西轉陂陀。高下徑巖谷。崎
嶇孝感道。三日山中宿。雲峯競百態。水石非一族。往往
闕重崖。飛流響寒玉。沙灣膠漁舟。墟里散樵牧。邨婦亦
劬勞。刈麥兼種穀。夕陽照芳草。廢塚萋斷續。松寮上涼
月。夜見前溪綠。古人竟誰存。心傷此時獨。夕息蚊蚤欺。
晝行炎熱觸。終朝回頭坐。悵望故鄉熟。吁嗟側翅鷹。不
如橫海鷁。

信陽道中回望孝感諸山

萬嶂鬱參天。吾行飛鳥邊。不知到平地。回望盡空煙。倚
枕松門月。聽風石澗泉。當時只惆悵。再過是何年。

正陽道中苦熱問田家求水飲亦不可得慨然有
作

飢難食粟渴無水。太息乾坤此窮土。汝南自昔固多賢。
風俗於今豈衰鄙。炎炎赤日赫當空。千林鬱立如秋容。
天邊過鳥影盡絕。何處更借扶搖風。是時四月月未望。
老農憂旱意疑妄。冬春雨雪一何多。陰陽得失誰咨訪。
望梅苦酸梅亦無。可憐野曠田園蕪。道旁白跖繁有徒。
却來勸我毋停車。嗟汝壺漿亦區區。一瓢那有攘奪虞。
始知東南民困尙可蘇。處處茗飲休僕夫。莫遣縣官諱
盜惟催租。空乏恐與中原俱。唇焦舌敝還嘆吁。

張亨甫全集

卷十六

士

過小胥通守汝南分防署留止一日輒復有詩

乍逢驚我瘦。薄宦惜君閒。名士汝南盡。舉家江上還。君時

道家人 歸桐城。著書方柱史。高臥憶朝班。猶勝風塵客。言游梁。

宋艱。余以小湖學使之招赴大梁。及是聞學使在歸德。復將改轍而南。資斧旣竭。僕夫不欲行。故及之。

金梁橋上月。此夕爲誰明。父老思開府。謂前河南方伯。今吳撫林少穆。

先 師儒嘆後生。謂姚春木徵君。劉子敬庶。常二君。數年。主講沐中。辛卯春與余相見。意殊鬱鬱。

也。良禽無靜樹。名馬有邊聲。用舍看天意。蒼茫話舊情。

至光州先寄小湖學使道中

使者前旌陳宋還。故人終日定城閒。恰逢新綠生涼雨。

不放遙青對遠山。北闕方思雲五色。都下禮闈已揭曉。此間尙無邸抄海。

內老友如郭羽可潘四農黃香鐵
宋于庭諸君固滿望其得第也
中原敢恨鬢雙斑會
看瑣院當頭月此意空明一笑間

○小湖先生前按試南陽諸生以爲百年來學使者
所未有也共獻楹帖及櫺額同人作詩紀事余
亦繼之

中州昔是人文地宛葉猶堪直道存絳節一時瞻馬首
清名十載憶龍門俗成武健期知學士識辛勤卽報
恩白水邨邊明月夜寸心共信可同論

宋湯遺稿凋零盡誰憶東京將相來乍喜珊瑚歸鐵網
不勞駿馬悵金臺頻年貢賦通西極回首文章在上台

張亨甫全集

卷十六

十一

桃李栽成應報國况思今古出羣材

桂海曾勞采梗楠星輶重徧大河南人思何武非名位
交到周瑜自醉酣鑑別宛推秦鏡在風流猶可漢碑參
洛陽親友曾相問持寄冰心已共諳

少年慷慨話隆中皂帽今慙龍尾同愛客幾逢嚴節度
治生深愧杜祁公猶思教養安衰俗喜見謳歌入采風
傳語諸生毋悵望秋來還拜舊花驄

○至汝甯作

申息迢迢更汝濱望鄉懷古總消魂斷鴉落日長淮水
獵犬平蕪上蔡門方響浮雲悲樂伎幽蘭烽火泣王孫

奉高土室終無恙。回首青山憶故園。

次韻廉峯太史杏花

春雨江南徧飄零。無此枝。東風半花影。北地久寒時。深巷寂寥路。畫堂惆悵詞。天晴紅更鬧。蜂蝶亦何欺。

汝陽北郭見荷花

殘雨陂塘碧欲流。疎紅映水似新秋。一年花好今才見。始覺光陰誤倦游。

上蔡

秦政一天下。六經無完書。咄哉上蔡子。身死固已愚。項羽自匹夫。沛公乃酒徒。西入咸陽城。三月焚其都。興亡

張亨甫全集

卷十六

三

信倏忽。禍亂豈在儒。空嗚東門道。黃犬終何如。我復偶嘆息。天助秦驅除。由漢更千年。治安非古初。帝王遞升降。運會爭盈虛。暴殘獨尸過。君臣亦可吁。至今罪荀卿。周內何足誅。風衰洵有漸。文勝道則淪。百家叛經訓。揚墨皆周餘。借問此誰咎。搔首重踟躕。荒城霽朝雨。積潦連長塗。高歌對落日。坐笑輜轅車。

連日行鄆城臨穎道中每見白蓮口號

杜韓少壯羈游地。復有遺山詠滌亭。一種涼風好詩思。白荷花外暮山青。

許州新改建試院會余客小湖學使幕中同按試

至此庭宇軒邃遂有詩懷題斷句十首兼柬蕭謙谷刺史

東京名德半中原。汝穎從來有達尊。太守可聞占鳳集。諸生重喜識龍門。

六書體備至音成。沈約何勞辨四聲。誰抱遺經究文字。

召陵風雨不勝情。聲音原于文字故言古韻者未有不深于說文者也今中州人士于四聲

多不能別况說文之義于昨風雨過郟城欲問叔重故君不可得矣遺書具在學者何不留意耶

西戎自古已披猖。塞下耕屯策最良。長是漢廷多事日。上書誰與報文皇。

終削諸侯漢始安。夜朝東市恨當年。他時遜國臣皆族。

張亨甫全集

卷十八

西

成就忠謀亦有天。

膝下車中兩甯馨。曾聞太史奏天星。千秋肯憶徐元直。

奉母歸來有涕零。

郭外空傳受禪臺。當塗宮闕化寒灰。并無赤壁秋江月。

獨遣東坡聽水來。

對牀風雨願難償。投老欒城接永昌。惆悵一堂共圖畫。

蘇門風義有孤孀。

穎水橋頭槍別魂。歐梅往事與重論。夜闌對酒風吹屋。

何處天涯故舊存。

已去蔡州三百里。韓何邾從洄曲向秋湖。飄零幕下慙韓

愈。裴度功名未可無。

盛夏重裳鎖院幽。種花移竹待蕭侯。宦情笑我閒應減。
持節翻思此再游。院隙地甚廣。若沼池種荷。夾以桃柳。梅桂當更可喜。故戲及之。亂種黃花。看野景。旋移高竹聽秋聲。又因得閒曹減宦情。

曉發朱仙鎮

涼風語幽鳥。滿地落槐花。野曠微分樹。天晴早見霞。新
香生餅餌。殘夢續鞍車。戰壘成荒店。時平漫嘆嗟。

尉氏道中偶作

茫茫大地蟻封環。豈信吾行似磨間。極遠天光惟見樹。
最高雲影不銜山。疏風落日蟬聲永。細草平沙馬跡閒。

張亨甫全集

卷十六

五

父老瓜棚無一事。坐談晴雨課耕還。

題子瀟同年掣鯨圖

戊子都門別後重見於梁園出此圖屬題

學杜誰知得骨難。待君滄海障狂瀾。吹臺落日懷高李。
六載重逢兩鬢殘。

○癸巳秋七月將自大梁之粵東姚子壽椿劉子敬

師陸

二丈蔣子瀟湖南同年連日置酒慨然畱

別

孝王賓客浮雲散。梁苑山河落照深。我輩招尋重弔古。
少年飄泊到如今。還馳匹馬秋風外。却望孤鴻瘴海陰。
猶是鄒枚游燕地。酒闌那得不霑襟。

次韻周小湖作楫學使贈別

張亨甫全集

卷十六

十六

足跡平生半九州。更思五嶺問荒郵。中原夕照家何在。
南國雲山轍欲周。豈謂鷺肩當路惜。真同鱸膾過江謀。
秋風莫折梁園柳。三見行人萬里游。丙戌辛卯入都皆道大梁

北望長安繫遠思。浮雲白日悵何辭。正慙工部辭趨幕。

轉憶平津諫納貲。用卜式傳語籌策頗看輕似奕。度支多恐

漏成卮。一尊揮手天涯路。誰更論文比色絲。

原詩

千里相期到汴州。去歲聘請襄校彈冠無奈又星郵。幕中承

校剔清諸弊因捐輸例開欲捐秋風我欲畱張翰。客

京職有吳越之行不能強畱志馳驅不爲稻梁謀。路人皆識馬周。經濟豈存溫飽志。馳驅不爲稻梁謀。

羊城虎阜饒佳境。此去新詩賦壯游。

知心人去最相思。愁緒多於惜別辭。地主從無安邑

累。兄性介交遊處不輕投刺天涯誰寄草堂貲。篋盈珠玉詩千首。

目送煙雲酒一卮。應識他時相憶處。汴隄垂柳盡絲

絲。

奉酬子壽丈贈別

東南耆舊凋零盡。玉局猶看似醉翁。丈人爲姚惜翁高弟子名輩

山陽悲落日。暮年河嶽獨秋風。相逢莫惜連朝醉。異地

安知再見同。萬里炎荒窮海路。卽時去馬已匆匆。

原詩

張亨甫全集

卷十六

七

張郎才筆並黃童。仲更跂長沙太傅風。賓客太梁前

席避。江山百粵古臺雄。素衣復立風塵表。青鬢能消

感慨中。我已早衰君健在。可堪此地一尊同。

奉酬郭羽可儀霄孝廉贈別

無端垂柳又秋風。送遠年年是客中。幕府馳書約東野。

吹臺射獵弔空同。天涯貧賤存知已。人世艱難厭厲公。

幸有愛才賢使者。肯教遲暮嘆飄蓬。

此去真爲萬里行。蒼茫人事不勝情。三江民困新多盜。

五嶺烽傳昨苦兵。楓落夜潮詩思冷。月懸海鏡客愁明。

艱難誰與論身世。回首停雲憶汴京。

原詩

去年送君琅琊館。五夜雞聲訴離悵。

王辰閏九月重九後五日君南

旋道沂州過瑯琊書院話別夜分始出城

攢星燈火出城南。別後心情天

共遠。我今落魄長安城。文章得失終無憑。共子飄零

不得意。生涯南北如流星。參商出沒難相見。君到光

州我入汴。醉人並飲公瑾醇。

君去冬應小湖學使之聘。四月中始抵光州。試

院。余於五月出都。應學使之招。居汴署六月二十七

日。小湖回署。君聚首不數日。將別去。而余行止殊未

定。思歸莫逐季鷹伴。獨怪蓮幕失高朋。看花老眼如

君明。

小湖方倚重君。適捐輸例開。因欲入貲不能固留。爲之悵然。

丈夫有志不可

張亨甫全集

卷十六

十八

詩伯便從洛下赴閭門。直挂雲帆趨海國。吐胸奇氣

隨汪洋。收攬溪山入錦囊。江湖久抱廟廊志。與子相

期游

帝鄉。

道中寄懷子敬丈

秋風動河朔。倦客思南征。浩然向江海。意氣猶縱橫。丈

人顧我嘆。賤子豈爲名。出自古宋門。迴望嵩高明。中原

正落日。野雁相哀鳴。蕭蕭車馬發。感念哀平生。心隨河

水逝。東去非無情。物變日以滋。素履聖所貞。終當勵進

退。庶以要吾誠。

蘭陽

丙戌隨伯兄入燕於此渡河

如此長河水。依然送遠行。誰知南北路。自愴死生病。
馬嘶殘照。饑鳥繞廢城。天涯正秋色。獨往淚縱橫。

宿雙隄口

屬歸德府商虞廳對岸卽曹州附郭地也

驛館臨沙岸。勞人卽故廬。秋風滿曹宋。河勢下淮徐。漲
盛宜防重。宵涼夢寐虛。天涯頻遇舊。是夜王青園司馬
畱宿驛館遇光澤
何禮門明府之兄
前年別於汴梁 奔走嘆何如。

歸德至碭山口號

中原戰爭地。興廢何足哀。登高望秋色。但見長河來。禾
黍高隱人。白日蔽黃埃。安知百世上。崛起多雄才。時咸
張亨甫全集 卷十六 十九
暨草木。世屯奮雲雷。廣武嘆何爲。人代常遷推。鴻鵠一
以逝。鳳凰安在哉。乃悲原野間。有鳥孤徘徊。

徐州

芒碭浮雲曉夜秋。誰憐劉項盡荒邱。徒聞大澤靈蛇死。
不見高臺駿馬游。河氣抱城寒白日。角聲吹月落黃樓。
哀鴻遍野無因問。俯仰猶懷萬古愁。

聞蟬

千里垂楊柳。西風一夕生。如何殘照恨。復此亂蟬聲。飲
露終難潔。知秋自不平。江南今夜月。淒傍幾家鳴。

羸斃

風雨車行一騾竟死。閱其長途涼餒。受御者惡。管以至是。猶世亂而豪傑莫展其用。且不保其躬焉。故作此詩。

嗟汝亦神駿。如何竟委俎。平生千里志。此恨九原俱。饑飽常歧路。存亡付僕夫。明朝畏風雨。誰與效馳驅。

清江浦

一鳥雲陰沒。千家水氣浮。南船通北馬。河勢奪淮流。死徙悲生命。連歲此間流亡載道新愁觸舊舟。去歲閏九月買舟於此今復乘其舟焉

泊淮安城下寄懷潘四農德輿解元

張亨甫全集

卷十六

二十六

聞君失意獨南歸。應望梁園秋雁飛。却渡長淮不相見。可知遙夜此霑衣。

淮陰舟中寄謝小湖學使

貧知覓食難。賤知求試苦。千里辱相招。敢怨修塗阻。卸車及定陽。汝南更許下。披文夜徹旦。竊聞或笑侮。自遭擯斥多。安能漫棄取。側承君子意。不與眾賓伍。依棲三
月來。醉譚肝膈吐。男兒重意氣。况乃心所許。如何忽遠別。內媿不能語。孤寒絕攀援。傲兀稀薦舉。豈期作贊郎。庶幾報

當宁海上產明珠。江南非惡土。僕射禮少陵。臨邛厚司

馬不慙貧無節。萬里治行旅。畫堂置尊酒。招邀及徒侶。
黃金三十斤。出爲遠道祖。作書告親交。送行遣僕圍。茲
情何能忘。感激在肺腑。初旬去汴梁。旣望達淮浦。艱辛
難具陳。十日九風雨。想見土室中。泥潦沒牖戶。中州奉
貧士。境可觀。願君大延攬。采蘭薙榛楛。通材老不
豪。俊癖好古。眾人彼烏知。幸使揚眉宇。身雖去左右。
拜賜義所與。故交有吳君。南康吳孝廉投合如水乳。相期共
劬勞。未應隨仰俯。道長思縈結。交深言莽鹵。謳歌已有
徵。斯文賴宗主。

○至揚州李蘭卿

彥章

觀察次小湖學使詩韻贈別

張亨甫全集

卷十六

三

因次韻奉酬

常州回首憶閩州

庚寅別於福州去年十月遇於毘陵舟中

歲月曾驚速置

郵重向廣陵逢太白。乍辭鞶洛用東周。天涯奔走終何
意。國士行藏豈自謀。遙夜一尊無憾在。江山到處話清
游。

千里孤行悵有思。一時下策媿無辭。王郎未必苛僮約。

頃在汴僕輩不願遠行學使遣役送至京口今觀察復遣役送至常州

廷尉何當耗仲賞。

世態浮雲明倦眼。江頭涼雨送行卮。相期更對金焦月。
多恐風塵滅鬢絲。

○原詩

百年名士盛揚州。遲我通賓媿鄭郵。詩話忽逢良友至。車輪久作別腸周。韓詩別腸車輪轉一日一萬周陸機入洛關人

望。賈誼憂時切。國謀獨悵晁秦今漸少。登臺何處

會文游。文郵臺在高郵

南戒江山入夢思。西來河嶽有雄辭。却憐杜牧多傷

別。誰信相如肯入賞。萬里壯游須過嶺。二分明月欲

浮卮。何時更踐金焦約。同斫珊瑚作釣絲。

○ 再次韻奉贈觀察

西邕萬里典方州。負弩蠻司徧驛郵。風雨更聞思廣廈

觀察闢建思恩府。試院記云余猥以一郡斯民之長深

有廣廈萬間之思。今屬郡尤東南人才所萃。願無忘此

張亨甫全集

卷十六

二七

意竹鞍先喜榷堤周。揚糧廳所屬堤工皆前期增築高也。三尺今歲淮湖雖溢獨不為患。且力持不開。昭關壩下。游秋收可望矣。濤奔白馬思枚叔。山望金陵弔仲謀。

能使哀鴻還奠集。使君何必廢觀游。

曠代歐蘇最可思。紅橋歇絕冷春辭。流亡難繪監門畫。

鹽菹頻虧少府貲。應念同胞非越俎。坐看皆醉尙揚卮。

秋風夕照平山路。搖落當年萬柳絲。

平山堂

東南財賦區。廣陵尤佳麗。百年久富庶。及今乃凋敝。我

來平山堂。眺覽忽獻歎。名園已榛莽。畫墻尤映翳。往往

見文石。缺壞垂碧荔。孤舟入荷花。百轉漾煙翠。岸蟬響

疏柳砌蟲吟古桂。蕭寥萬籟風。竟日絕歌吹。憶昔舉時巡。

兩朝蹟相繼。山川美吳越。

黃屋各迢遞。茲鄉商賈豪。土木工位置。光輝徧巖壑。故
事有載紀。後來筦權臣。文采侈修禊。燈船照夜水。金錢
散娛戲。萬物互盈絀。俯仰情已異。

朝廷裁此官。千家泣無計。請看路旁兒。號乞復何意。臨
流酒榭荒。聽法經臺閉。却登最高樓。坐攬長江勢。青蒼
京口山。落日在檐際。崩騰送奔濤。鬱勃想戰氣。賢豪不
可作。慷慨閔浮世。朝矜羅綺叢。夕痛流離地。竊嘗疑天

張亨甫全集

卷十六

二五二

心。何屢變人事。回榜趁晚發。暝色孤飛至。秋河落波底。
纜壓眾星繫。羣公勸浮觴。是日李觀察令羣從偕游剪燭話興替。誰
能縱游觀。使人發深喟。

史閣部墓

七月二十三日
蘭卿觀察同謁

四將分兵日。中臺出鎮年。人心嗟已去。國步竟難延。裏
革屍何在。招魂葬可憐。空思宋南渡。莫望晉東遷。劇想
平生烈。遭逢末造偏。何慙信國夢。不負左公賢。討賊平
原勇。勤王畱守先。六軍共甘苦。五夜尙恭虔。韓岳誰專
閫。汪黃自擅權。罪猶尋黨錮。寵更藉嬋娟。春恨桃花扇。
風懷燕子箋。新亭虛對泣。淝水果投鞭。力盡睢陽困。軀

終綿竹捐白頭悲老母碧血照重泉江上降幡出甌東
義旅懸讒奸成虜倖播越再危顛擁戴原無識存亡固
有天書曾抵興慶冢豈象祁連

周德新維命殷仁眾所傳易名垂典禮遺象闕烽煙醉
酒揚州土興哀古柏篇鞠躬諸葛後享祀定軍前慘澹
風雲散淒涼狐兔眠瓜州指屯戍父老涕常漣

東園 蘭卿觀
祭同游

東園老園丁頗能言往事在昔

純廟來青宮駐此地

皇心暢流覽

張亨甫全集 卷十六

天章煥雲霓自從罷

時巡燕游供大吏後堂垂簾櫳前楹列歌吹酒風泛池
荷眉月轉階桂花深不辨人鳥銜出珠翠邇來鹽菜困
商貧官改置蕭條文石徑踐踏到輿隸曲房自洞豁假
山誰覽憩故物撫修篁當時蔭行騎萬事有衰歇荏苒
送年歲昨見富人游今隨乞兒至始知西方尊露電視
塵世君看謝安宅巍然聳靈寺 園近天甯寺世傳
謝太傅所捨宅也

武進夜別姚石甫 瑩 大令陳伯游 方海上舍

姚侯此爲政賓客復多賢相送毘陵水興懷陽羨田城
鴉語秋月夜火破江煙壯歲徒飄泊淒涼促去船

過惠山

二十八日風雨過山下舟人言山中木樨盛開能往游否

煙雨江天去棹遲。惠山雲氣欲來時。如何第二泉邊酒。不醉勞人對木樨。

清德堂小飲奉林少穆 則徐 中丞

節署瞻

宸翰

清德堂顏祖御書賜巡撫宋犖

聖

非徒禮遇隆。十年賢使澤。一

代

聖人風

聖祖南巡嘗稱犖巡撫而不名又嘗云宋犖皆見西 犖在江蘇十餘年只是安靜到今便思他好處

破年譜此日承平後。生民積潦中。災傷關國計。饑溺徹

張亨甫全集

卷十六

二五

天聰宣

德才原裕持清道不窮。政能除害馬鳴自息哀鴻寬大

欽

皇祖飄零話厲公

宋中丞時邵長蘅嘗居此

碧荷憐直幹黃桂惜幽

叢豈數銜杯樂真愁聽雨同

連日陰雨中丞憂形於色

先憂媿文正

繩武望

離宮

游虎邱歸避雨五人墓

重過山塘路。登臨久倦時。數花秋水靜。孤塔夕陽遲。多

病聞歌怨。新涼作客知。歸途更風馬。蕭瑟五人悲。

雨

滄浪亭

一士繫羣賢。斯人豈不偉。孤亭七百年。非關石與水。世無范文正。誰能薦子美。遺文付歐陽。嗟今亦已矣。

殘荷抱秋影。叢桂隱風色。曲流返照涼。櫺檻蕩煙碧。名王世不知。富貴復何惜。頗喜宋尚書。買田理荒宅。

潘紱庭

曾綬

明經招飲秋碧軒。同朱友生

綬

孝廉

聯句

故鄉來舊雨。

紱庭

涼話做秋齋。簾捲樹陰散。

西生

石幽

苔意佳。酒人憶京洛。

亭甫

詩夢落江淮。更有分攜感。

紱

庭

斜陽黯下階。

西生

張亨甫全集

卷十六

一五六

蕭寺尋花日。

西生

春明失意咸。吾行如倦馬。

亭甫

此別

又征帆。性癖同昭諫。

紱庭

詩豪陋秘監。相逢一尊酒。

西

生。黯淡舊青衫。

亭甫

雨中游天平山

紱庭借其從兄順之招游

天平對支硎。嶮嶢立萬石。秋氣養孤清。雨聲在寒碧。登高見吳甸。渺然太湖夕。天長獨鳥盡。野曠歸雲隔。山阿杳無人。下有太古迹。風泉結幽籟。淒清滿空隙。目齊遠近理。興與邱壑適。寺僧正閉門。淪茗訝來客。荒崖霧露深。何以迴行策。

陳芝眉

鑿

方伯有硯曰香雲。海次東坡先生雪浪

石韻爲詩屬和走筆得三首

方伯自爲銘曰東坡先生雪浪盆南

湖居士香雲海石交好訂
方山游光黃之閒發奇采

雷雨之動資盈屯。偉人代出眾所尊。高才卓犖繼玉局。

辟若曉日開羣昏。題詩遠過峽山寺。宦游不悵羅浮邨。

西湖初至宛符合。

方伯云東坡以三十五歲初至杭州與已典試之年相合

中和堂

再觀海門。

方伯頃任浙按察使

孤山梅花賦香海。夜寒憑弔風流

魂。天教奇石助點筆。亦似三竺將雲根。清名合伴東坡

老。紫潤試認南湖痕。鳳唳坐恐笑牛後。何止龍尾堪等

論。邇來吳越苦水溢。田家莫覓老瓦盆。公能愛民如愛

硯。千秋共見文忠存。

張亨甫全集

卷十六

二十七

人間萬物殊。亨屯棄之者。賤愛者尊。卽看此石闕洞壑。

玉虹氣掩蠻煙昏。何來巧匠劖水骨。乃使奇采騰江邨。

有如通材久不遇。一朝拂拭登龍門。公官中外實好士。

孤寒八百縈夢魂。讀書有子似叔黨。應笑韓氏譌金根。

嘉各肇錫示世澤。詩清亦無沙土痕。

方伯并以再用東坡雪浪石又一首

韻示長男涵卽以雲海字之詩見示

髯翁宏獎老不倦。晁秦詩事應重論。

茲硯摩挲比雪浪。供養合貯高麗盆。風花漫悵落高下。

知公寓目道已存。

吾家大澤古吳屯。十名山以漁梁尊。傾崖飛瀑注滄海。

驚灘百折連雲昏。人言黯澹產奇石。硯材棄置盈沙邨。

豔澹灘石不如端州多好事。下窮巖穴探水門。邇來
爲硯在建溪。粉墨脫落餘畫魂。公今得此幸寶護。中有
石裂若縑繪。雲液兼泉根。春紅入夢勝眉子。試磨天女應無痕。却思
故鄉磊落物。風浪激蝕誰同論。扁舟此去向百粵。更看
水月翻金盆。安能從公試染翰。石交自訂千古存。

○ 余去年十月自吳門之錢塘雨雪連日舟中頗覺

惆悵今來天氣晴霽而惆悵有甚焉初八夜過

塘西口號四十字

秋至葉紛飛。吾行何所依。山川久相識。道路竟如歸。看
月憐殘夢。驚寒攬故衣。不成擊仲洽。窮死掩荆扉。

張亨甫全集

卷十六

二十八

吳山望西湖

涼風起湖上。落日萬鴉歸。却倚吳山閣。遙看木葉飛。漁
家映秋水。僧院入煙霏。南宋風流地。何因淚滿衣。

○ 奉別陳石士

用光

侍郎學使丈

愛士人言得祖風

凝齋先生

論文自不媿宗工

侍郎爲姚惜抱先生高弟

東坡老惜晁秦少

上聲

南苑游思咸籍同

謂合姪伯芝庶常侄孫登之通

守子鶴

鄙吝全生去公久。杖車相見嘆誰從。

時新喪愛孫清

秋且看鴛湖月

時將以月望試嘉興

我亦飛帆鏡水中

將之興

杭州

杭州三日桂花風。詩思全消酒病中。獨捲簾櫳望秋月。

天涯知有幾人同。

張亨甫全集

卷十六

三五

大野賦有錄大同

張亨甫全集卷十七癸巳中

建甯張際亮亨甫著

全邑孔寄吾校刊

渡錢塘江至西陵

八月十二日

潮落暮江秋。江平似不流。天空明去鳥。風定引歸舟。津笑勞勞問。家如處處浮。空懷廉吏蹟。回首愴羈游。

是夜舟發蕭山次早至紹興奉周雪橋

仲堉

太守

杜尺莊

照孝廉

紅葉下蕭蕭。秋風晚似潮。西陵吹片月。一夜送蘭橈。賢守能高詠。詩人近易招。須尋戴公宅。直泛剡溪遙。

張亨甫全集

卷十七

一

登戢山書院

同尺莊

前輩風流地。蒼然落日間。下臨鑑湖水。遙對沃洲山。絕學平生繼。孤忠一死艱。荒祠拜遺象。蕭■共摧顏。

十四日游蘭亭

少歲亦如昨。清游能幾時。山川有今昔。俯仰自歡悲。苔石迴流靜。松門落日遲。臨風竟何悼。誓墓媿無辭。

出蘭亭山行數里泛舟玩月而歸

孤月照秋水。百蟲鳴夜風。登舟望來徑。煙翠已空濛。發興重懷古。飄然萬象中。茲游亦陳迹。逝者信無窮。

登種山望海亭

山在郡署後十五日登此

高亭下瞰夕陽開。秋色蒼茫萬感來。百越山川江海合。
六陵風雨鬼神哀。孤忠有恨悲埋骨。世傳文種葬此山倦旅無
繆罷舉杯。今夜月明應悵望。空傳州宅似蓬萊。

十六日尺莊孝廉招游鑑湖由畫橋至寒山望放
翁故居遂謁禹陵登南鎮泛月至遶門山夜歸
有作

李白昔乘興看山入剡中。至今禹穴外巖壑盡秋風。萬
葉下湖水一天明月空。因登遶門石醉望六陵東。

原詩

癸巳中秋後一日奉邀亨甫六兄作鏡湖之游

張亨甫全集

卷十七

一一

招紀百穀勤麗周又溪師濂兩丈已香上人陪

集舟達畫橋登寒山南謁禹陵東北至遶門山
泊舟石壁下爲補中秋會呼東郭門入漏三下
矣紀事得五言古詩四首

未霜葉已丹。旣望月仍滿。秋添鏡水涼。眼遇故人煖。
漁霞聯晨游。沐露判夕銜。英英千里賓。翩翩二老伴。
更訪已公房。呼起嬾雲嬾。遂出中堰橋。爽翠撲茗盃。
峯俱南鎮朝。波想西施浣。欲談湖廢興。黃鵠年壽短。
湖窄雖如帶。湖碧猶如黛。塢洋屬石波。茫淼依稀在。
彩鷁難迅飛。陽鳥不我貸。近作畫圖行。條已畫橋逮。

一島壓鏡心。三面靠潮背。文章身後第。恢復窮居慨。
斯人英靈聚。睇古徘徊再。同將濁酒澆。各有清言愛。
菱歌來遠風。風吹船尾轉。山靈索才語。面面屏風轉。
秦碑付燔燒。禹廟肅黻冕。客曾三楚游。夙精响嘯辨。
却思呼梅龍。送子羅浮踐。餘興謁鎮神。細路行香篆。
接臂圍古松。難今但笑喘。他日撫虬枝。停雲思不淺。
8 爐峯望不登。歸舟已落日。相約補中秋。酒酣氣彌逸。
指點五雲門。雙漿順流疾。山以遶門名。壁削神悽慄。
高借吳剛斧。幽作鸞簫室。危才忽吞舟。月光搜之出。
摩崖誌清游。飛仙畱醉筆。云是武夷君。真誑孰能詰。

張亨甫全集

卷十七

三

十七日游吼山

太古石巉巖。何人試斲弄。積水中吞舟。窺天上成甕。四
圍爛霞采。千尺豁潭洞。初驚棹已阻。忽訝門可狃。紆迴
潛入竇。縹緲高浮棟。側睇勢倒崩。深涵影飛動。登樓深
俯瞰。欬墮不得控。目貪附嶺奇。徑轉迴溪送。嶽岑隱奧
窅。峭削出磨礪。石陰晴巨天。天氣晝如夢。結藤瘦不死。
懸泉墜已凍。風交竹誰秋。雲過鳥自弄。寒塘閣疏敞。曠
野色驟貢。出門始驚絕。回首在崖空。嶠嶮越澗谷。涉歷
憊徒從。怪駭兩峯分。離立眾人共。橫石蓋巔頂。巧匠施
巾幪。仄大孕僧居。小憩使神矐。蒼然對六陵。逝矣悲南

宋嘗聞昔勾踐。走狗馳雕鞍。游獵聘廣場。羣吠聚一團。
霸圖消却灰。流潦長野葑。礮礮鑿鑿經。畏懼根脈綜。往
往駭屣屣。處處闢窪峒。我生癖游覽。甲古託嘲諷。每如
遇勁敵。急逐肯姑縱。頗懷叔子感。豈似退之慟。百年磊
落氣。一笑煙霞供。如何逼向夕。復此解維幟。歸途索險
句。山鬼嘯石縫。

十八陵西陵觀潮

朝游鏡湖東。看山興未已。扁舟弄月過柯亭。日高更飲
西陵水。西陵佛閣何壯哉。登臨下瞰錢塘開。天邊一綫
起白練。千人遙指潮頭來。潮頭來。爭嘆息。未聞潮聲駭

張亨甫全集

卷十七

四

潮色。但見嵯峨橫。亘若雪山大地。眩轉空明間。吐張噴
吸。倒怒浪。海若作使魚龍頭。誰將明河灌赤岸。欲駕白
日馳虞淵。東流之水能西還。萬事一逝嗟茫然。此時何
曾見江水。潮勢吞江猶未已。倏忽還爲左右馳。動搖城
郭排山駛。蕭蕭氣捲青天高。晴晝併舞長銀濤。古來眾
水盡就下。獨有此水朝夕上。湧疾雷霆電。秋風豪。或言
文種與伍員。血作驚湍有餘忿。又言盈虛消長隨太陰。
八月月望驕騰奮。河伯望洋已嘆嗟。東行到海誰能問。
却憐鳥外孤帆明。乘風直欲凌滄瀛。眼前弄潮兒。故與
潮頭迎。已沈一葉慘不救。忽出水底隨潮行。嗟汝孀戲

性命輕。不見餘波擊岸猶奔崩。翻飛千尺自盪激。雲煙
四散噓長鯨。此時浩浩聞潮聲。此聲豪宕感激中有興
亡情。君不聞吳越王。射潮選強弩。錦衣魂不歸。園陵冷
塵土。又不聞伯顏軍。皋亭下。三日信不靈。吳山真立馬。
潮生潮落閱人代。一尊且話沙痕在。是日蕭山鄭稼田
各爲置酒不須更用六陵秋。夕陽滿目江如黛。

雪橋太守次小湖學使詩韻贈別仍次韻奉酬

一麾出守得名州。何止醇醪陋督郵。紹興酒
各天下越國山川

思種蠡。禹陵歲月閱商周。訪碑遠憶神明德。治水僉同

父老謀。聞道使君方卧治。不妨司馬倦來游。

張亨甫全集

卷十七

五

此去全除幻妄思。要觀嶺海發英辭。退才易感文通夢。
游學難分曲逆費。南漢地應花作壁。北枝寒送酒盈卮。
登臨或許舒愁眼。肯悵青驄老絡絲。

原詩

沐州小住又杭州。官鼓催人驛置郵。媿我着鞭先祖
逃。多君說劍學莊周。觀濤共畫宣防策。築室深慙道
路謀。余近修三江閘亭甫
籌畫機宜深中要害恰喜中秋天氣好。鑑湖一

曲快同游。

珠海迢迢別後思。送君雅贈吉祥辭。江郎吟管添佳
句。陸賈歸裝挾重貲。萬樹梅花香遶筆。一灣茉莉露

凝卮道旁爭羨郎官貴。潘鬢如今尙未絲。

次韻尺莊三丈贈別

送我驚斜照。催人又短更。分明灞上意。

是日尺莊來郡署送余其夜余

舟發水則亭復至草茅橋尺莊宅話別漏四下始別

畱滯海南行。殘月孤舟夢。空

江獨雁情。更同話京洛。盡遣別愁生。

連日同話廉峯太史

里黨尊者德。文章自舊家。

令子孫軒能詩今提南宮官部曹昨出令孫四人相見皆

美才也

田餘彭澤秫。人在鏡湖花。病善添衣好。心慙載酒

奢。後游吾不負。歲歲度仙霞。

仙霞關閩入浙道也

原詩

一別金臺側。星霜五度更。路疑夢裏覓。人喜鏡中行。

張亨甫全集

卷十七

六

潮猛作詩氣。月圓如友情。那能徐孺子。團坐話平生。

謂廉峯太史

揮塵誰爭席。牽船未載家。渡淮攀桂樹。過嶺折梅花。

朱紱榮將賁。青鞋興尙奢。雲門南去路。相待訪煙霞。

二十日乘潮渡錢塘江次十二日詩韻

風急海門秋。驚濤正倒流。千山橫落日。萬念冷孤舟。天

挾魚龍變。人爭鶩鷺浮。平生豪氣盡。深悔九州游。

由雷峯埕過慈雲嶺至江口作

湖氣成風雨。空濛合翠微。埕雲寒更動。江鳥濕還飛。客

已此行倦。舟從何處歸。滔滔對秋水。難問舊漁磯。

雨

虎林連雨日瀟瀟。懶更移舟過六橋。何事塞鴻常不倦。
又銜秋色渡江潮。

次韻蘭卿觀察贈別

七月二十四日風雨發揚州觀察就送舟中既

別有詩八月十二日寄至杭州索和二十三日

次韻却寄

千里猶馳送遠詩。東西溝水悵分歧。檣帆吳越常來去。
風雨羅浮擬合離。應喜蛟龍波浪靜。

來書云淮湖盛漲方駐揚糧廳督工

不愁鴻雁稻梁遲。尺書欲寄重惆悵。又到江天解纜時。

張亨甫全集

卷十七

七

原詩

舊夢仍懷石畫詩。竹西惆悵又臨歧。縱談用世彌豪
壯。放手搏沙易別離。倦客津梁千里遠。畱人風雨一
帆遲。茫茫交集將何遣。奈此江湖並漲時。

二十四日發錢塘江

木落空江秋。蕭然氣始寒。輕舟泝枉渚。遠色明前巒。光
分嶺向背。翠合天迴盤。回眺一鳥外。但見長波瀾。西陵
映返照。白壁高朱闌。風帆杳已逝。客懷淒無端。心知寄
涉歷。恒沙不可搏。復追雲水宿。旦夕喧驚湍。羈孤亦未
久。飄泊寡所歡。載詠蒹葭篇。道阻誰能歎。

富陽

江山初出雲，浩白如懸水。蒼茫富陽郭，天外低見水。夜火識鄰舟，涼風在葭葦。多病感秋聲，夢驚孤鷺起。

桐廬

歲歲桐江道，心慙萬物閒。風光晴轉葉，水氣晝搖山。放牧鳴烏犢，追飛過白鷗。一篷羨漁父，沙岸自知還。

泊雞鳴灘

九月一夜

我行沂天末，日夕愴西風。人老塵埃下，秋深道路中。夜光寒在水，星氣白垂空。孤夢誰同覺，荒灘有百蟲。

馬磯

去年十一月八夜泊此

張亨甫全集

卷十七

八

去歲雪初殘，今來秋更暮。山川送流年，草木凜衰露。百蟲沙上作，一火灘外渡。竟夕悵悲風，因何屢征路。

三里灘

常山城外

積水僅浮舟，畫船高過屋。粉黛映江山，風雨雜絲竹。朱闌小垂手，二八顏如玉。往往三五夜，華月照眉綠。自成通一顧，買笑千金逐。雞鳴歌未闌，曉日移銀燭。東行到錢塘，或泊蘭谿曲。可憐少年子，銷魂在水宿。借問此誰氏，九姓自嫺睦。匹夫爲厲階，百世猶鴆毒。

世傳陳友諒既敗其將九

人逃之陸杭間，其裔今爲九姓船也。驕童小兒女，未解淫賤辱。造物汝何意，苦待斯人酷。老死異編氓，

九姓不齒編戶

偷生寄洄泐，請看

茲灘頭終古波斷續。流脂變芳草。斷腸不盈掬。羈孤觸
臨眺。慨慷閱衰俗。沙邊雙鴛鴦。哀鳴羨黃鵠。

望君陽山

秋霽氣清高。百里見纖末。茲山鬱神峻。迴盤亘天闢。青
峭立萬峯。峯峯勢如割。上干迅烏墜。側出飛鳥過。秀色
滿虛空。風外夕嵐活。欹崎雁宕參。怪聳華嶽奔。李文公
南來錄
云。怪峯直聳似華山。
余以爲亦似雁宕。
目窮有無際。悵望意覬豁。蒼然暮
靄深。蘿徑何由撥。

放舟至貴谿柬陸祁孫繼格大令

山峭不知名。青蒼氣削成。出天盤石勢。繞地落灘聲。興

張亨甫全集

卷十七

九

覺連朝好。舟從一葉輕。故人稱傲吏。相見眼應明。

追輓顧通副純

吳縣顧南雅先生。清名直節。中外共知。余自丙
戌入都。辱先生引爲末契。去年五月十三先生
卒官。欲爲詩哭之。以病而止。顧念老成凋謝如
先生者。世無幾人。今其卒已踰年。有餘痛焉。乃
補作此詩。癸巳九月八日。貴溪舟中。

顧公癯僧姿。神清目光炯。通籍三十年。蕭然若箕穎。文
章照寰區。大節好忠鯁。嘗持滇南節。憐才抑傲倖。白日
麗幽荒。青春煦枯冷。至今士謳歌。萬里常引領。學成宦

中外教誨必聽請

朝廷有左降論掾得微青。謫居久蓬萊。

公由學士言事降編修故有謫

居猶得住蓬萊私印每懷戀禁省。西方近用師。功過在勸警。朝起

夕拜疏。

公再補學士命下之次日言西事疏與謝表同上

孤直出天秉。淒涼諫

草焚。死去足悲哽。三絕亦偶然。百世倘彪炳。憶昨廁末

坐。高韻使人靜。每於眾賓前。頌言一何永。貧賤因奔走。

太息意耿耿。遺墨見平生。筋骨秋鷹併。

公嘗爲余作烏絲細楷自書其

跋邵文莊書語一通見者皆以爲極佳

斯人邦國秀。奄忽謝流景。楹書付

誰讀。野史未可屏。誰言知己私。庶幾告共靖。

安寅

張亨甫全集

卷十七

十

城影圍紅石。人煙映碧流。山平孤嶂曉。風急半帆秋。鮭菜荒成市。魚鹽小聚舟。乍聞米價賤。父老汝何求。

九日 餘千舟中

百年幾見重陽日。廿載三悲異地舟。東越鄉心橫海遠。

西江晴靄極天浮。烏鴉紅柏分風色。白雁黃沙作塞秋。

判與逝波催歲月。劇憐殘照滿汀洲。

余自甲戌至今二十年間客中值重

丁亥皆在舟中

是夜乘月至木樨灣泊舟已而微雨北風竟夕枕

上作詩

江明月皎如流永。直放扁舟指章貢。天邊過雁影相銜。

沙上繁蛩響初縱。秋聲四起，落波底、篷背蕭蕭不成夢。
不知已泊木樨灣。夜水無人風自弄。十年幾見重陽晴。
一雨驟使孤衾凍。蒼茫天意異朝夕。世事變遷那足勸。
故園對酒負黃花。何處杯觴飲能痛。更闌倚枕祝江神。
但乞明朝去帆送。

次日守風復寫一首

江邨鳥雀噪。白日天多風。赤葉照水上。根株淘沙中。居
人晝無煙。破屋傾西東。昏昏積潦氣。百里慘不同。晴色
盪始動。欬吸噓魚龍。蕭瑟際蒼茫。若有雲行空。茲維彭
蠡耳。勢挾眾派雄。目盡不見泐。隱約浮青峯。不知蒼昊
張亨甫全集 卷十七 十一

紅樹

天際斜陽在水中。蕭蕭紅樹擁烏篷。木樨灣下秋光冷。
飛到寒鴉詒落風。

十一日瑞洪湖守風至夕次日風不止口號四首

驚風驅駭浪。白日氣蒼涼。一鳥沈彭蠡。千帆斷豫章。客
孤頻卧病。民困半流亡。身世滔滔意。何因問大荒。

目盡波無岸。茫茫勢到天。秋聲倒滄海。寒氣聚空煙。鳧雁家何在。魚龍戲可憐。直愁昏墊患。九載見堯年。慘澹羣陰象。悲涼萬古心。濕雲仍作雨。衰葉盡辭林。歲月江湖疾。乾坤霜露深。淹留竟何恨。滿眼室廬沈。夜半聲尤厲。紛騰甲騎馳。神靈來滉蕩。人鬼雜喧悲。夢斷投書渚。朝思洗馬池。料無子安詠。故遣去帆遲。

十三日復守風至夕口號二首

遙憐亂雲際。不見片颿行。落日長湖白。秋風嫋嫋生。客心催向晚。孤雁去天明。目斷驚湍闊。空看月漸盈。

去國歸無業。出門行有歧。北風三日惡。獨火一篷欹。沙

張亨甫全集

卷十七

十一

草人煙動。雲濤客夢疑。十年慣飄泊。莫怨此羈遲。

十四日渡湖

檣帆千萬葉。蕭瑟蕩波濤。白骨橫沙亂。青天擁水高。側身慙大鳥。莫極想靈鼇。三載災傷地。淒然獨去勞。

瑞洪湖酌神曲

自十一日守風至十三日。湖水大漲。怒波崩騰。

舟旣輕。篙工復少。余心淒慄。乃作絕句。焚諸湖

中。曰。西北涼飈苦未休。客帆兩日悵淹留。今朝

願乞湖神福。分與東風送去舟。是夜果得東北

風。次早渡湖。上下舟皆便。旣渡西北風復作。因

爲此辭以答神貺。

浩浩洪湖兮水澤之雄。神之來去兮颯然乘風。驅龍翳兮駕虬龍。金幢翠葆兮雲霞宮。邈肅肅兮羣靈從。若可見兮宛在空。息怒浪兮民罔恫。澤湖孺兮年屢豐。舟上下兮行不壅。水澄澹兮天昭融。帆宛轉兮人雍容。吳楚百粵兮道載通。導章貢兮逾石鐘。匡廬之山兮遠望而龍從。神之憩兮湖上之青峯。潔芳馨兮椒蘭紅。秋露灑兮沙芙蓉。被服好兮神來降。木蕭瑟兮鴉翻楓。神既降兮靈沖澗。河伯執信兮天吳效忠。羌淼瀾兮濤波同。徑千里兮戴神功。嗟神之德兮繫與水而無窮。

張亨甫全集

卷十七

三

○ 至南昌作

江天無恙逝波催。惆悵扁舟復溯洄。三月夕陽花事盡。今春於螺墩看牡丹頗佳一年秋思雁聲來。番君故國空雲物。徐孺荒祠但草萊。欲捲珠簾倚高閣。春風蛺蝶倘飛迴。

○ 家子畏寅太守招集南昌郡署

湓浦離筵酒未醒。今春三月餞余於庾嶺東風吹浪去冥冥。使君

復致南州榻。倦客如游歷下亭。霜落晚花當檻白。天空

雲氣出江青。哀鳴幸息潯陽雁。肯使饑鴻此再聽。太守在九

江拯卹災黎甚至

長城立馬圖子畏太守屬題

秦人築城隋人繼。可憐秦隋皆二世。長城萬里界中外。
今代長城曾不閉。太行翠接長白山。遼海積氣霾天寒。
驚沙晝起捲赤日。大鷹老雁摩風盤。此時匹馬凌巘岘。
下窺朔方一萬里。上出千崖百谷嶄絕之雲端。漢唐以
來戰士骨。盡作磧草枯霜乾。始知

皇王大一統。天意要使生民安。星郎奉使昔壯觀。邇來
作守父老歡。馬前饑溺半欲死。待君手障長江水。

十六夜舟發南昌

江西水陸衢。吾行亦幾徧。昔聞章貢險。况茲遠遊倦。北
風吹去帆。激浪疾於箭。空中有諸色。皓月照屢變。天涼
張亨甫全集 卷十七 十四
去雁聞。夜久落星見。悽然感平生。何事隨篷轉。憶從城
下泊。悵望江如練。心憐十八灘。湍急驚濤濺。夕發竟何
勞。了知一身賤。溪山毋笑人。吟嘯拓生面。

豐城

豐城不見城。數家俯斷岸。霜林照水紅。萬葉明霞亂。秋
日何杲杲。水波亦漫漫。南風作新晴。野鳥學呼喚。古人
抱遠識。耳目非近玩。寶劍沈獄中。望氣到霄漢。國士或
當前。末世逢侮慢。所以郭代公。賦詩起長嘆。延津昔所
經。雙龍嗟已散。吾將狎沙鷗。去來凌浩瀚。

文成英雄姿。講學亦非妄。當其勦逆藩。風雷迅掃蕩。功
高身不居。太息聚羣謗。後來曲學士。詆訶宜流放。吁嗟
平湖賢。門戶苦相訪。知言古所難。論世誰無詆。向見三
記鈔本謂惟附宸濠無父無君可信陽明不爲其餘世
所傳諸語或不誣云云此亦未免賢者之過蓋清獻宗
朱子而闢陸王故一我來誓師處。臨變見公壯。五等何
足論。茲實偉人望。憶昨楚粵徭。跳梁恣焚掠。勢異八寨
雄。師老六月餉。安得起九原。倚劔默惆悵。逝波盡前朝。
大樹思良將。秋風草木動。慨想屯牙帳。籌邊樓已荒。紀
功碑可訪。千秋廬山雲。此水共懷愴。

臨江河口

張亨甫全集

卷十七

十五

往
亭亭曠野雲。落日氣蒼赤。霜楓晚如燒。光遠映山碧。數
家對洲渚。二水蕩瀟浩。舟人分岸投。待曉各有適。嗟余
獨何任。三宿南風逆。淹泊豈得辭。惆悵爲形役。游魚或
騰天。飛鳥自投澤。上下理亦齊。萬物勞朝夕。

峽江

蒼岷夾清江。窄岸微煙起。列堞如半環。嵌山復銜水。荒
荒受朝日。舟中見城裏。渚鳥入縣門。風帆轉沙嘴。不知
何歲年。置邑乃在此。民窮草木稀。地寒氣色死。蕭條泝
峽角。去榜誰復艤。自昔虔州雄。獷悍盜難弭。下流茲拒
隘。險要猶可恃。司牧幸撫循。時平室毋毀。

廬陵

萬山氣蒼蒼。日高吉水縣。舳艫何逶遲。回首落霞綯。白沙暗暝色。青嶂合遙甸。野宿多秋聲。月曉淒蛩徧。守風更廬陵。昏旦候屢變。篙師坐歌笑。安知客行倦。慨然思文忠。少孤亦貧賤。平生勵忠讜。賓客盡英彥。崛起馬韓後。百代共聞見。斯人豈不偉。讒口乃利便。晚出蜉蝣子。撼樹益蔓蕪。

近吳人沈欽韓著切學堂集極詆文忠及杜元愷鄭漁仲諸先儒

固知名如的。

集矢眾所先。紛紜並世士。謗嫉必狂狷。緊余復奚恤。苟活免罪譴。飄泊天地間。萍梗任流轉。栖栖愴今古。鬱鬱張亨甫全集 卷十七 十六

迥遭醉翁魂不歸山川自清倩。

張家渡

文信國故里

煌煌歐陽文。磊磊信國節。山川鬱神秀。並代兩人傑。我來訪故里。落日莽嵒嶂。煙巒遠際天。水波浩流雪。悲風起曠野。慷慨思遺烈。在昔南宋衰。俄頃半壁裂。四鎮謀不庸。孤忠力徒竭。艱難奮義旅。崎嶇出閩粵。天亡事已非。人存國未絕。哀歌凜正氣。獄中肝肺熱。荒臺痛朱鳥。胡沙照碧血。陵谷有湮頽。斯人豈磨滅。轉憶年少時。曲謹非所屑。至今論已定。何媿平津列。嗟茲當世賢。相士毋乃劣。承平獎庸鄙。倉卒誰奮發。古來英雄姿。豪宕自

天骨未遇或脫畧。致身必勇決。司勳絀大用。迺以傷春卒。始思牛奇章。泣下揚州月。

泰和

歸雲在天際。邈然如可思。青山映遙野。嵐翠藹合離。目貪去鳥疾。興緩迴波遲。南荒木不落。秋盡猶華滋。慨想巖居士。采藥蔭桂枝。霜露沿已降。代謝亦有時。是日立冬我何不遑息。良恐來者悲。因風報故人。耕稼庶自期。小湖學使

家浦雲明府斗垣弟皆邑人

萬安

南風作秋晴。客行苦淹滯。回飈起西北。驟涼覺衣敝。淒

張亨甫全集

卷十七

十七

淒天欲雨。慘慘雲蓋地。野泊傍荒灘。風狂激水厲。驚湍響舵尾。蕩搖凜不寐。向曉至萬安。荒城聚寒氣。舟入市。雞豚禱祀各酣醉。人情固自然。鬼神卽憑麗。百勞乃一息。遺俗見蜡祭。揚帆入渚霧。江窄亂山閉。奔瀧駭屢轉。宿火耿再次。霜林夕蕭蕭。何處犬聲至。

楊梅磯

漫漫楊梅磯。亂石布驚灘。阻洲溢旁流。一灣洞如管。其前兩舟橫。其後舟不斷。篷背互戛摩。舵尾蹈隙窾。簇擁連檣高。叫呼一時滿。長篙各怒撐。作氣不暇懶。趨逆力更勞。欲速去轉緩。晨朝至日中。尺寸行以扶。小艇泝磯

頭迅疾出涯丁。以此悟萬幾。不爭進退坦。挂帆煙水闊。
壓岸夕陽短。回首下流人。螳緣正未散。

贛州別汪孟
堂太守

亂山擁虔州。蜿蜒二百里。磽确土赤童。湍泐川清泚。盤
盤十八灘。萬石氣騰水。朝驚逆瀨高。夕望在海底。可憐
天柱危。懸竿付生死。百夫挽一舟。惶恐何時已。却登鬱
孤臺。落日千檣艤。東流貢水長。西湧章江駛。下臨控洪
都。上窮蔽炎海。地險阨南荒。俗獷聚羣匪。劫掠敢誰何。
仇殺益自喜。自昔推劇郡。禍變卒難弭。今茲太守才。盜
賊幸衰止。吾聞變饒習。端自富教始。天運有平頗。民心
張亨甫全集 卷十七 十八

南康

清川何紆迴。暝色夕陽會。新月出竹林。孤舟入風籟。人
家隔蒼翠。犬聲在煙外。回首望荒城。迢遙山如帶。

酉母

自南康泝南安山水益清遠其佳處往往似
吾鄉將至郡城十餘里有山如富春釣臺因
鱣舟登岸聞其邨曰西母問其山曰五猴有寺
在林石深阻聞因欣然往游至嶺半風氣淒厲

遂返帳
然作詩

章江一何清。重山帶迴複。扁舟漾晴翠。臨水半修竹。幽禽靜不驚。文石燦可掬。晚泊隨所投。邛謳聽樵牧。客行嘗苦遲。頗惜茲游速。侵晨發孤棹。數轉入崖腹。天氣闕高寒。人煙隱空曲。霜分眾葉丹。泉響懸巖綠。峭壁對厖屨。雙臺宛在目。蹇蘿卽前嶺。涉澗阻中谷。陰風貫峽厲。衣帶自反復。仰睇忽已深。洩雲翳喬木。但聞鐘聲希。蕭寥萬籟續。似乘剡溪興。誰繼富春躅。心慙猿鳥閒。香想齋廚熟。故園未得歸。何處寄茅屋。

張亨甫全集

卷十七

十九

建甯張際亮亨甫著 全邑孔慶衢寄吾校刊

大庾嶺

過嶺昔所悲宦游今乃喜海南富寶玉遂令人心死我
來正十月汗流負販子填塗擁左擔越磴踵寸趾嗟峨
兩峽對開闢何年始宋唐放逐臣涕淚復餘幾信知宇
宙閒禍福無定止輪蹄徧遐荒亦驗承平軌竊聞島夷
強蓄意藉通市熟窮彼我情良恐倭如鬼兵後有凶年
夏潦室家毀去歲連州用兵今年廣州大水當年張文獻遠察興衰理

張亨甫全集

卷十七

二十七

開元全盛時亂已憂安史淒涼孤鴻篇珠樹卽荆杞熙
熙眾人情哀歌吾何鄙石林晝圍天白日出其裏關頽
見荒祠錯雜茅店倚濁醪一散愁且問滇江水

南雄

粵海阻南方雄關此稱最虔州實門戶庾嶺但襟帶時
平斥堠息往來聚冠蓋地荒饒竹材民稠習牙儉蒼巉
圍亂峯十里卽天外我來趁茶船積沙滿灘瀨除舵各
倒行往往被膠溢小人貪負重推挽喜無害客久適俗
情靜觀意亦泰夕陽黯山川慨想用武會

遙夜南荒月。扁舟獨客心。雲沙疑蜃氣。風水合蟲聲。萬里路何永。一年寒漸深。親衰兒女弱。況憶搗衣砧。

始興江口

千嶂人煙合。雙江石瀨迴。松陰斜日滿。蟲響徧山來。孰

憶衢州守。羣空嶺嶠才。

始興林穆庵先生明倫乾隆戊辰進士由編修出守衢州罷官

卒年三十五先生與吾邑朱梅崖先生同榜進士以同治古文辭相得其後益究宋儒之學新城陳凝齋先生刻其遺集其言有物有序真君子人也近余在京師詢其鄉士大夫鮮有知之者矣百年真過客。去榜復何哀。

白雞籠放舟至南石作

十月十一日

萬山蟲聲中。孤帆石氣內。巉峭勢滿天。百里紛破碎。懸

張亨甫全集

卷十七

五

巖不可窮。高橫壑谷背。千年半死苔。遠瞰成青黛。燦爛

疊赤霞。嵯峨起紫塞。嶽岑窳窳間。凸凹相間闕。壁盡覺

煙通。崖傾與水對。飄蕭藤陰垂。谿澗瀑布礙。奔流欲倒

飛。舟行屢却退。是時風雨作。下有寒潭淪。正愁蛟龍翻。

坐失坤輿載。崩波迅一投。重丁儼上戴。修蛇掉蛇尾。怒

馬出仗隊。迸激浪花霏。明珠散百瑩。回首見蜂窩。古來

篙眼在。澄灣碧動搖。細藻光繪繡。幽籟忽淒清。傾聽響

已代。居人穴積翠。土屋生山態。種樹入雲根。截魚依汪

隈。郵婦繫舴艋。跣足白濯漑。俱忘作苦勞。豈解榮名愛。

灘長隨墩轉。月小遮松晦。諸峯悄如人。離立尙幾輩。驚

灘長隨墩轉。月小遮松晦。諸峯悄如人。離立尙幾輩。驚

魂夜未安。仰望莫敢歎。

次早望韶石次前韻一首

朝暉映江山。光涵碧綠內。萬石勢益奇。割截神斤碎。磊
落踞雲頭。嵌空墮鳥背。高張巖裂痕。深逼表裏黛。蒼然
氣鬱天。嶺海藩雄塞。紆迴棹曲行。嶄峭崖橫闕。奮怒擘
巨靈。中斷兩壁對。蟠根塞水竇。跳波鱗介礙。悲風慣颯
沓。浩想羣飛退。登艫四望阻。巖穴見澹涓。仰出駭上窮。
俯入墜下載。縱橫互錯盤。大小相抱戴。遠近客矯首。左
右兵趨隊。毬門絕磴懸。空明如玉蜚。真疑杳靄間。化人
靈構在。古色滿煙蘿。浮動不可縑。坐笑此丈頑。不知何
張亨甫全集

卷十七

三十一

登九成臺

年代。泉根歲月迹。石髮陰陽態。蕭寥百蛩聲。日夜淒荒
隈。誰言舜南巡。遺澤武水漑。當時奏九成。鳳閣帝所愛。
世遠託黃農。百家同湮晦。重華豈再來。但憶巢由輩。投
竿老茲鄉。綠淨洗唾歎。

蒼梧渺無處。雲水疑瀟湘。登臺正落日。悵望思巡方。虞
帝竟不歸。魂去知何鄉。至音在宇宙。萬籟皆宮商。竊悲
玉局吏。行嘆舜所藏。捫碑讀遺記。垂老胡投荒。千年更
治亂。際會虛明良。固知中天運。非由人事臧。聞聲契美
善。孔性猶傍徨。鳳鳥昔來儀。何止吾衰傷。晚近益厯淆。

進退途兩妨。高才不自揀。敢計民勞康。吁嗟狄韶州。乃復知文章。至今感過客。豈獨器久亡。儋潮盛瘴癘。韓蘇同此疆。飄篷迅江海。余行毋慨慷。丹崖古無恙。碧流去更長。重華未可招。夢覺釣天旁。

韶州放舟至烏石復次內字韻一首

茫茫山出雲。江聲雲勢內。波鋪翠甍平。櫓搖碧玉碎。飄風捲瘴雨。散絲落篷背。隔斷綠璃窓。空濛作微黛。春愁感南浦。漁具思西塞。浮家計未成。怨別情多闕。何況大庾來。日與亂石對。水湍灘瀨驚。峽窄檣颯礙。舟如觸藩羊。中流艱進退。今朝換畫鷁。巖壑映幽溷。浩然幸脫險。張亨甫全集

卷十七

三十一

俯仰見覆載。青峭遠峯迎。蒼巉欹岸戴。渚沙擊鷺拳。谷樹喧鴉隊。高崖乳泉咽。點滴懸珠琲。側睇煙竇開。中藏秋影在。磨旋百轉通。繡錯五色縉。因疑磊砢奇。鍊自皇古代。天公巧秘惜。陰靄掩全態。萬里翳炎荒。幾人搜窮隈。故應長石華。仙露與滋漑。君看絕罅間。寒綠萋自愛。征途興再遣。孤城望已晦。遷次閱朝昏。寂寥念朋輩。夜涼郵月生。客靜山精歎。

觀音巖

絕壁俯江流。嵌空結雲洞。重欄上虛跨。曲磴中懸控。深盤太古根。側轉巉巖縫。白日避幽陰。青天入寒夢。香煙

不外飛。裊燭上崖空。當頭勢欲墮。倒垂鍾乳凍。下臨畫
浮森。高坐影飛動。黝黑迴潭包。蒼翠諸峯真。真知身世
浮。醯雞在春甕。却愁蛟龍翻。粉碎與石共。開闢自何人。
鑿山爲此弄。何如妙蓮花。一瓣現瑤棟。過客競鐫名。苔
蘚千年痛。沙禽豈有知。鐘罷繞船送。

野燒

滇江江水如碧玉。山翠浮江逐江曲。參天松櫨皆十圍。
日聽黃鸝語叢竹。南荒歲暮木不凋。居人不惜取材足。
可憐一炬辟蛇虎。巖壑須經幾春綠。却憶朝行斷峽間。
斧斤丁丁人鑿山。山石於人亦何害。怪醜石莫保年頭。

張亨甫全集

卷十七

一五

燒之揚灰取致飾。白屋奪盡蒼崖斑。五行無如火患烈。
萬物有用世所殘。江西風土尤可哀。水淺湫湫灘崔崔。
撒椿遏世激水碓。一舟乍可容挽推。人間機虞何有極。
智力能使陵谷摧。漢陰丈人自抱甕。歧路有歧楊子慟。
變詐從來出末流。殺生攻奪常交開。天心仁愛久已窮。
野火何須泣梁棟。夕陽同照亂峯明。到處羈愁片帆送。

滇陽峽

亂山蟠絕壑。寒色動高深。峽束江流碧。天迴石黛陰。看
泉分澗道。聞葉過風林。百轉孤帆靜。低飛逐去禽。

連州江口

去歲橫戈地。傳聞有異同。誰從武溪水。遠憶伏波功。江
口天連瘴。磯頭木亞風。奔流向中宿。悵望撒邊烽。

十五日暮過清遠峽。遂登淙碧軒。竝訪古飛來寺。
乘月放舟出峽。有作。

湏湟始合流。東奔赴蒼海。崩波此一束。巉巖鬱千載。高
峯互蔽虧。大石中礮礮。二禺南北分。灑氣割真宰。北禺
藏壑谷。飛來占爽塏。南禺萬木深。眾綠垂江匯。倒影各
空明。日中盪奇采。我來已夕陽。山寒水漣漣。泊舟倚寺
門。猿叫洞雲改。

帝子去不歸。阮俞何蕭蕭。空山風水中。太古石嵯嶢。攀
張亭甫全集

卷十七

三五

松入蘿磴。聽瀑穿雲窅。氣寒不成煙。觸澗響已遙。散爲
萬籟音。淒清徧叢條。蟠根落壁罅。密蔭垂山椒。飛流瀉
幽光。明滅不可招。靄靄嵐翠深。濛濛漾水意。飄啼鳥出竹
林。始知前峯朝。澄澌漱窪穴。渴飲肺熱消。慨想唐虞前。
安知非靈潮。初武亦寂寞。誰與傾天瓢。

獨坐風泉中。此響從何來。誰知飛來寺。尙隔山崔巍。杖
策越前嶺。上有秦時苔。五百避地人。化爲猿鶴哀。長林
窈以密。疊磴阻且迴。百步無人聲。但聞傾澗雷。足躡瀑
布源。下瞰生煙埃。仰首見長松。掩映琳宮開。南禺攢眾
頂。俯伏當經臺。江深萬綠淨。慘澹雲濤堆。寒峽氣翳天。

空光浮如杯。鐘鼓動藤蘿。坐恐崩崖摧。舒州剩古剎。梁殿飄殘灰。感此不能去。絕頂孤徘徊。

雲臺罷登陟。仙源重徙倚。可憐松門風。常吹雲碓水。東坡昔南歸。頭白竄萬里。我今方壯歲。遠遊聊自喜。噉茗帶玉堂。幽芳惜桂蘂。江山流古春。草木氣不死。登舟望翠亭。高下翠屏裏。魚聽梵唄出。鷗衝夕波起。七十二峯青。俄頃天如洗。大月挂峽角。清光送船尾。坐憶淙碧寒。聽泉語山鬼。今年八度圓。他鄉一彈指。過去總可知。未來那足恃。惟應帆蓬瀛。青鞋從此始。

寺僧贈

國朝諸公游峽山詩三卷歸舟展閱三

張亨甫全集

卷十七

二十六

易燭始畢嘆漁洋固不可及而卷中陳秋舫

沈

修撰二詩亦絕佳陳固不以詩名卒未及中壽

殊可太息因次其韻

乘流漾輕帆。月色滿江腹。回望飛來山。峽盡青天束。地以二禺名。天縱東坡目。後來漁洋句。清如泉始蓄。空山自太古。瀑流響寒玉。客散四時雲。僧定千年木。吾行亦飄風。那足論遲速。蒼雪崖名夕含暉。煙蘿為誰綠。

玉堂有羣仙。誰似陳搏好。鸞鶴跨芙蓉。餘音雲霞繞。江

光切虛空。無月中自皎。原句想見夜燈幽。眼明萬象小。詩

清世莫知。蘊真豈在表。可憐一第傳。已覺平生了。摩崖

汚山色。多少迹如掃。竇翁孰後先。掩卷爲愴愴。

原詩

辛巳十月二日晚泊中宿峽遂入峽山寺小坐
淙碧軒燈下帶玉堂寺僧出觀竇東臯翁覃溪
兩先生詩卷歸作此

我舟上峽來。無端入山腹。峽中更無天。山水相結束。
寺門立清江。晚照澄霽目。巖壑亦不多。富哉雲雷蓄。
攬衣陟高軒。洗耳聽漱玉。真源不盈盎。潤澤蕃草木。
感茲泉響深。嘆彼川流速。老僧催客還。一燈出深綠。
看山必於晝。誰知夜更好。晚飯帶玉堂。燈前萬峯繞。

張亨甫全集

卷十七

二十七

江光切虛空。無月中自皎。風隨嶺樹定。星逼蠻天小。
羣籟一寂中。寸心千仞表。及見竇翁來。老僧殊了了。
遺詩約束看。過眼雲煙掃。歸去不成眠。寒鐘一舟悄。
半山亭

漁洋峽山寺詩。石壁留孤雲。飛亭俯江色。沈沈
晴川綠。活活流泉疾。固左司門庭中語。鳥啼修
修竹。花覆濛濛水。則右丞學小謝佳處。然皆不
如宴坐半山亭。下見凝碧灣之天然。不可湊泊
也。旣愛其語。因足成六韻。

宴坐半山亭。下見凝碧灣。落日多淒風。蕭寥巖壑間。樹

深墜葉滿。人靜飛禽閒。夜來山雨過。四壁聞流泉。不知西峯外。秋色自何年。月出我亦歸。回望孤雲還。

○懷人感舊詩十一首清遠舟中作

過嶺以來追憶宋芷灣觀察不巳因成七律一

首既而師友知己之感並集於懷乃疊次韻遂

復得十首仿少陵存沒詩之意而變其體焉余

少周旋於賢豪長者間不盡於此此因有所裊

觸輒及之非有別擇也癸巳十月望後一日

長安許我謫仙人。何異當年賀季真。

宋芷灣先生湘於陳石土先生家見

余詩謂余曰汝乃天上人人問何處得來又曰吾觀長安非惟無汝師亦難覓汝友僕老朽或可附於友之列

張亨甫全集

卷十七

三

然吾詩祇獨來獨往非如汝詩千門萬戶無不有也又日外人擬君以黃仲則吳蘭雪二人何能及君又自作

擘窠大書贈余云精鶩入極心游萬仞覽古今之須臾撫四海於一瞬跋云亨甫先生惠讀大集驚才奇抱求

之古人亦不多得無以名誰解金甌重取醉昨登黃鶴之書此四語以志頂禮

自愁春。公卒於湖北糧道署余今傷情賦詠同荆甸通春過武昌有感懷公詩

德門閭向海濱。香鑊天涯仍不遇。嶺南南去獨悲辛。先嘉應人既識余後復與其鄉黃孝廉劍書盛稱余

去年遇劍於京師爲余述之劍字香鑊詩亦甚工

真見承平韋丈人。人前誦句意何真。歸田每望香山社。

乞食仍愁錦水春。宮扇雲霄思雉尾。鼎湖歲月痛龍濱。

天寒與報梅花使。欲渡長江話苦辛。

當塗黃左田宮傳從徐廉峯太史處

得余詩乃自里門作書與其弟子祁春浦閣學許滇生學士云福建有張亨甫者其詩出入李杜嘉慶道光以

來作者未能或之先也僕老矣不能效韋左丞誦之於
朝右未知此生有一見之緣否固願賢弟等識此人也
云云先生事饗皇領
南書房最久今年近九十矣

談笑蓬萊頂上人。每思汲引列羣真。書生望闕心懸

日。元老當朝氣已春。早賦梅花比沂國。獨攀桂樹過

淮濱。瀆涅水與瀟湘近。誰采椒蘭佩郁辛。吳縣潘芝軒相國見余詩

初刻本手評云亨甫負經濟才磊落有奇氣讀其詩如

天馬行空瞬息千里又如神龍變化不可捉摸殆得力

於李青蓮而激昂慷慨可泣可歌忠孝之忱時流露於

楮墨間則少陵之嗣響也反復斯編曷勝膺服時余未

謂公也其後嘗侍燕左右公愛之如子弟公子星齋絨

庭皆有異才克承家學而公教之甚嚴獨與余輩數人

為兄弟交公不禁焉
蚤達常如未貴人。平生意氣愛才真。遐荒奉使門如水。

張亨甫全集 卷十七 三九

絕塞招魂天不春。永憶醉眠東閣後。何時變化北溟濱。

孤帆冉冉曲江曲。萬里誰憐行路辛。長白鍾仰山少宰昌與吾友黃樹齋

侍御同使江南盛稱余詩且日卜其掇京兆己丑冬先

生使福州贈余詩有云正聲真氣君能得詩格居然復

古初力言余於當事使就館穀歸過江蘇復盛稱余於

梁方伯時朱西生孝廉在梁幕中去年為余述之庚寅

先生使滇楚歸道中州見余諸同年必稱余辛卯三月

余過中州許君賡謨為余述之去年冬先生出鎮科布

多若黃仲則已勝之矣又謂坐客云亨甫未知於太自何

而辭館真不媿仰山所薦士也余痛飲大醉次日先生

發在通州猶語其弟子潘四農恐余病酒也而先生於

是行卒於鎮所矣
歷落嶽崎可笑人。師門十載受知真。嘉興沈鼎甫師自癸未受知以來愛
才土有所論薦師無不采納於四持皖鄂燕閩節三渡

河淮漢汝春丙戌辛卯及今春皆客楚豫間失路應悲南海上寄書不

到大江濱師方督學安徽平生憂樂希文後嘗盡齋鹽未覺辛

一生低首爲何人識曲當時獨聽真白髮憐才如往日

青衫掩泣怨芳春公卿多奉河汾教弟子長懷雪水濱

蕭瑟蠻天歌苦調更無豪氣似蘇辛癸未春以巡撫舉

院受業於陳恭甫師凡三年感恩知已眾所共知師嘗

手評其詩殆徧又評云終賈之年具此才力他日必以

是雄天下又云杜少陵云翡翠蘭若鯨魚碧海請皆移

以評作者又與人書云邵武如朱梅崖之文張亨甫之

詩皆足以雄視天下其教誨期望之厚吹噓獎掖之誠

不能悉述也庚寅冬別於福州聞邇來多病念之悵快

憶往歲師以詩集屬校定語亮曰余少喜爲詩二十

以後專治經詩遂少作邇來見汝詩益不復爲矣

存沒朝端更幾人能容子美不嫌真衡才日下稱奇士

張亨甫全集

卷十七

長白那竹汀大司馬已丑教習座師試後謁見待之以

國士曰昨聞潘先生芝軒盛稱汝先生少所許可汝必

奇才也旋索閱亮詩送別天南正早春蕭山湯敦甫冢

再刻本嘆想周至軍已丑與鍾侍

郎同使福州於侍郎處見余詩乃先就見余許以國士

獎飾有加臨行余送之洪山橋後余入都未嘗謁公歎

然於暮雪誰同梁苑賦仁和陸心蘭方伯言丙戌宮憲

懷評閱古文走告姚文僖公王伯申尙書責其取士有遺

珠以二公廷試與閱卷也又從魏笛生刑部家詢余庸

居欲先訪余適遇於陳石士侍郎宅傾刻甚嘗屬余
爲太夫人壽序未及陳而出格公慎總督吾閩日余
洞花自慘武陵濱武陵趙文恪公慎總督吾閩日余
言特欲見余明年余受知沈兩公健在應重見桂性從
鼎甫師公復爲師慶得人
知老愈辛
耆舊無慙社祭人少年曾見典型真士行千里會其葬

福州謝退谷先生金鑾已卯卧病在家余時年二十一
先生年餘六十矣扶病就見以古名臣相期先生所至
為士民所思氣備四時流以春名德老學遠近比諸許
今祀鄉賢魯齋乙亥余年十七先生年六十餘訪余於城東札莊
歸語弟子云張某必不朽其後徧告同郡長者且云其
詩將盡付余余遂以少年得結交郡邑者宿唐宋秘墳
竊名將二十年矣念之慙負先生庚煥已卯秋冬屢就訪余於
尋斷碣福州陳陽園先生唐陳觀察嚴宋李忠定
公墓極劬勞先海天文藻出荒濱余為諸生未嘗謁校
生今祀鄉賢海天文藻出荒濱官獨德化鄭六亭先
生兼才先就見余且稱之為畏友余時年纔二十耳先
生以軍功銓縣令不就嘗與謝退谷先生同修臺灣縣
志後又以修臺灣府志飄零難下祠堂拜吉日空勞憶
上辛

故鄉何意失斯人谷口淒涼葬子真老去寸心常似月
張亨甫全集 卷十七 三十一

別來南浦幾經春著書有託知王粲銘墓無辭痛穎濱

吟徧祝融荒徼地更誰掩卷惜勞辛家嚴山兄庚寅別

入京師兄遂至邵武依寶積王莘夫秀才去年八月

竟卒於其地身後事及遺稿皆莘夫經營收藏之

烏君山色澹於人懷古猶存名德真別緒萬千愁入夢

行年六十憶常春共悲稽呂山陽暮不怨陳荀頴水濱

擬寄尺書無過雁二禺風雨識艱辛光澤高雨農舍人

今未見初舍人從兄所葺同邑上官寅齋何厚葺金門

與嚴山及余皆相得懽甚所葺金門先後下世嚴山繼

之不知舍人何以為情也
遠憶仙崖采藥人黃樹齋侍御有私壺園徐廉峯太史
印日仙崖采藥人壺園家有壺園
意氣汝同真謝榛不賤慙諸子杜牧多愁過一春煙雨

荷風洞曲路。秋帆菱月鏡。湖濱珠江寒。色還千里那有成書錄癸辛。

三水

三十六江樓。空明映碧流。夕陽銜去鳥。一半落孤舟。

泊西南驛寄雲麓觀察

十六夜

官閣仍圓月。今宵誰共看。可知故人意。獨對暮流寒。微靄檣痕小。涼風絃語單。盈盈一水上。愁絕露華溥。

再寄觀察二首仍次小湖學使贈別韻

雍容車騎去中州。爲報當時致客郵。敢謂拙愚懷稷契。不須貴賤問秦周。奔馳有恨催年長。災祲無端與目謀。

張亨甫全集

卷六七

七

江海哀鴻同未集。欲從何處賦佳游。

將見猶多未見思。見時惆悵竟何辭。生前誰薦方千策。關內爭籌卜式貲。水郭淒風橫遠笛。夜船涼月覆空卮。新詩寄與應相念。莫訝流緇染素絲。

和詩

纔報風帆出贛州。新章先遣寄行郵。近來精進詩無

敵。別後分馳歲再周。

辛卯之冬別於都下

開口喜談天下事。有

才肯作一身謀。懸知嶺海鴻泥迹。只爲羅浮尙未游。

既見猶餘久別思。寒溫那屑敘常辭。吾儕自信貧非病。名士由來貴不貲。爲欲看梅輕過嶺。恰容聽雨共

持卮封侯骨相分明在。莫便潘郎感鬢絲。

○ 觀察次前韻枉酬復次韻奉柬二首

一天風雪別幽州。曾折梅花寄隴郵。海上更隨明月至。嶺南惟見亂山周。名原畫餅貧增累。身似飄蓬遠廢謀。慙媿道州高誼在。羅浮還惜孟家游。

聽雨連朝話積思。新詩骨立謝華辭。儲胥已裕三軍餉。

頃以連州軍需之勞。上命從優敘績。水潦非憂九賦貲。好繼鄭綱重領

節。不妨張愈獨銜卮。天涯久罷瑤琴奏。東閣花時理舊絲。

張亨甫全集

卷十九

十一

